

l'Entrée de la Preine à Lyon, le 111 Decembre MDC. Par Chibaud Ancelin, Imprimeur ordinaire du Proy, avec priortées

1 v. in 8º

Frontispice grave et 76 ff chiffres au voite par fanche graves replies representant l'Entrée de la selle au orbjon et les divers arcs de triomphe élevés à cette occasion.

Maroquin rouge, plats couverts d'une riche dorure style renaissance à compartiments et petits fers, dentelle intérieure tête dorce (Magnin)

Del exemplaire grand de marges et sans défauts, lave et encollé par Madame Vigna, qui ne l'a restaure que

pour faire disparantre des mouillures.

Ce volume est très rare. Brunet n'en cite qu'une adjudication , à la vente Leber. Pericand dans ses Notes et Documents pour servir à l'Histoire de Lyon (année 1600) mentionne cet ouvrage d'après l'exemplaire de la Bibliothèque de Lyon provenant de la Bibl. de M'Coste.


La Tédicace à la Reine est signée de P. Mathieu, auguet les Echevins de Lyon avaient confié la rédaction des entrées des Princes et grands personnages dans la Cité. Le beau frontispice et la grande planche repliée sont très bien graves mais il n'y a ni signature ni marque de


I Ennes de la Pain à Lugar le mi Percontre MDC. Par Chiband Ancellin doing in ever of the same of the there is the same to the man graveur. les deux figures du Rhône et de la Jaone placées sur le proutéspice sont d'une naiveté des plus gauloises, mois bien en situation pour le mariage du Roi Vert-galant avec Marie de Médicis. On sait que ce mariage fut consommé à Lyon le samedi g xbre 1600





1409. LYON. L'Entrée de tres grande, tres chrestienne et tres auguste princesse Marie de Medicis, royne de France et de Navarre, en la ville de Lyon, avec l'histoire de l'origine et progrez de l'illustrissime maison de Medicis. A Rouen, chez Théodore Reinsart, 1601, in-12, mar. bleu, dos et coins fleurdelisés, dent. intér., tr. dor. (Trautz-Bauzonnet.)

D'après le volume cité comme ci-destus Dans une catalogue à prin marquis de Durel libraire à Paris (1889), il y aurait en une autre édition de ce livre aver la rubrique de Roman.

















Par Thibaud Ancelin



## L'ENTRE'E DE TRES-GRANDE, TRES-CHRESTIENNE, ET TRESAVGVSTE Princesse

MARIE DE MEDICIS REINE DE FRANCE & de Nauarre.

EN LA VILLE DE LYON, LE III. DECEMB. M.D.C. Commence of the second



#### A LA REINE.

PADAME,

Comme vous estes en merite autant qu'en


grandeur, hors le pair de toutes les Princesses du monde, aussi estes vous seule semblable à vous mesmes, & n'y à rien qui egale vos perfections, ny qui en puisse representer les merueilles. Les Assyriens ne donnoient point de statue au Soleil, par-ce qu'il se monstre mieux de soy-mesmes, il n'en faut point à vne grande Reine qui ne reluyt & ne paroist que par sa

propre gloire, n'a plus grand theatre que sa Majesté Pource Madame ie n'ay pas entrepris en offrant à vos victorieuses mains ceste description de monstrer ce que vous estes, l'entreprise seroit temeraire, l'effect estant impossible, sinon qu' on peut coprendre l'infiny par le finy, la clarté par les tenebres. Ce n'est qu'un esclair du feu d'allegresse qui esclairoit sur le front de vostre ville de Lyon à vostre entrée, un petit rayon de la lumiere de vostre Majesté qui l'allumast, l'ombre d'un tableau où la verité par des mortes couleurs a pourtrait l'immortelle reputation, le grand heur, & la grandeur de vostre maison, une premiere preuue à U. IX. El la troisseme au ROY du deuoir, de l'affection, de la tres-humble, tres-entiere seruitude & obeissance DE MATTHIEV. Et donne au gré d'un ferme amour, A deux corps une ame commune:

De ces deux fleurs il faut attendre Vn fruiët qu'on verra quelque iour, Outre les autels d'Alexandre.

### AVX LECTEVRS.

N s p I R E z les faueurs & retenez les rigueurs de vostre iugement sur ce liure, le considerant plus par son estosse que par sa façon. Ce n'est pas vn ouurage d'vne laborieuse preparation, il a esté acheué en le commençant. Si vous y trouuez quelque chose à vostre gré, & qui merite de sçauoir d'où il vient, comme volontiers on s'informe ou croissent les fruicts agreables à la veuë ou au goust, l'Autheur n'ayant rien en luy digne d'estre imité, ne se soucie d'estre cognu. A Dieu.



# Back of Foldout Not Imaged

#### DECLARTION DE

LA FIGVRE.

1. Par Ornement de la Tour sur le Pont du

	Rhojne.	25.
2.	La porte du Pont du Rhosne.	ibid.
3.	L'arc dressé deuant l'Hospital.	25.b
	La Pyramide au bout de la grande rue	ë. 26.b
	Le Theatre en perspective des Prouin	
	de France.	
6.	L'arc deuant S. Nizier.	28. a
7.	Le premier Portal du Pont.	29.6
8.	Le berceau de Verdure au milieu du F	ont.
	31.a	
9.	Le second Portal du Pont.	63.b
10	. L'arc du Change à deux faces.	68.b
11.	La statuë de la Felicité.	69.a
12.	La statue de la Constance d'amour.	60.b

70.a

13. L'arc de Porte-froc.

#### PRIVILEGE.

VIVANT le Priuilege que le Roy à donné à l'Autheur au mois de Septembre, de l'année 1595 d'Imprimer & faire Imprimer ses escrits par tel Libraire qu'il luy plaira choisir: Et desences à tous autres de l'Imprimer, vendre, ny distribueren son Royaume, à peine de cinq cens escus, & de confiscation des dits Liures: Iceluy à permis à Thibard Ance elin Imprimeur de sa Majesté en la ville de Lyon, d'Imprimer la Description des honneurs, pompes, & triomphes dressez à l'Entrée de la Royne en ladite ville.



#### DESCRIPTION

DE L'ORDRE ET DE

L'APPAREIL DRESSE'

POVR L'ENTREE DE la Royne à Lyon.

I les desirs peuuent finir en ce monde, il ne restoit à la France autre chose à desirer apres le Phenix de la paix tiré de ses propres cendres que le mariage du

Roy, auec la Serenissime Princesse Marie de Medicis, fille de François Grand Duc de Toscane, & de Ieanne d'Austriche fille de l'Empereur Ferdinand. Cela seulement manquoit à la perfection de ses felicitez, sans cela ses plus beaux iours sembloient tenebres, ses prosperitez encombres, la Paix n'estoit qu'vne guerre endormie, sa vie vne viuante mort. Ce second bon-heur

#### L'entrée

estoit necessaire pour affermir & asseurer les premieres & miraculeuses faueurs que ce Royaume a receu du Ciel.

Ce mariage traicté & conclu heureusement par l'entremise de Monsieur le Cardinal d'Ossac, & Monsieur de Sillery Ambassadeur pour S. M. à Rome, tenoit toute la France en des desirs extrémes pour en voir la consommation, elle adoroit ce iour en son Aurore, ne pouuant croire que le tonnerre des canons du Roy bruyant par

les Alpes ne le troublast.

Mais on peut dire de ce grand Roy (auquel desormais la fortune s'est renduë tributaire, ne tornat sa rouë qu'à ses ressorts,) ce que la Grece dict autres-sois d'Alexandre, qu'autre que luy ne peut messer la feste parmy la guerre, les expeditions militaires parmy les jeux, les nopces & les chants d'Hymenée parmy les assauts & sieges des villes, & les plus surieux exploits de ses armes. En la plus grande ardeur de la guerre de Sauoye il enuoya Monsieur de Belle garde, son grand Escuyer à Flo-

rence

rence pour ratifier les promesses de son mariage, & les stipuler par paroles de present en son nom.

Sur la nouuelle de l'embarquement de sa Majesté à Libourne, il pourueut à sa teception à Marseille, en donna l'ordre à Monsieur le Duc de Guyse, Gouuerneur de Prouence. Madame de Nemours y alla, & auec elle Madame de Guise, Madamoiselle sa fille, Madame la Duchesse de Ventadour. Il y enuoya Monsieur le Connestable, Monsieur le Chancelier, les deux premieres lumieres & premiers Officiers de sa Coronne, Monsieur de Messe, Monsieur de Fresne Secretaire d'Estat, & par son comandement s'y trouuerent Messieurs les Cardinaux de Ioyeuse, de Gondy, de Giury, de Sourdy, assistez de dix Euesques.

Elle entre le Vendredy troisiesme Nouembre, en ce premier port de la Mer Mediterranée auec dixsept Galeres, la sienne estoit Royalement belle, & telle que la Mer n'auoit porté de long temps vne plus riche ny plus superbe charge. Elle ne par-

loit pas comme la carene de la nef d'Argo, mais elle n'auoit rien qui ne donna sujet de parler, d'admirer sa beauté, & son enrichissement. Que si Athenée à si curieusement representé celle de Hieron & de Ptolomée Philadelphe, Pausanias celle de Delos, Diodore Sicilien, celle de Sesostris, & nos Historiens celle du Pape Clement VII. quand il amena la Royne Catherine sa niepce à Marseille, on n'estimera iamais inutile ny vaine la description de ceste Galere. Elle estoit de la longueur de septante pas, & de vingt sept rames de chasque coîté, dorée par tout, ce qui se pouuoit voir au dehors. Le bois de la poupe estoit marqueté de cannes d'Inde, de Grenatines, d'Ebene, de Nacre, d'Iuoire & pierre bleuë. Elle estoit couuerte de vingt grands cercles de fer doré, croisez & enrichis de pierreries & de perles, auec vingt grosses Topases & Esmeraudes. Au dedans vis à vis du siege de la Royne estoient esleuées les armes de France en fleurs de Lys de Diamant, & à costé celles du grand Ducen cinq cinq grands Rubis auec vn Saphir de la grosseur d'vne bale de pistolet, auec vne grosse perle au dessus, & vne grande Esmeraude au dessouz. On estimoit ces armes septante mil escus. Entre ces deux armoiries deux croix de Rubis & de Diamans. Les vitres tout autour estoient de Cristal, les rideaux de drap d'Or à franges. Les chambres de la Galere tapissées de mesme.

Sortant de sa Galere, sa Majesté entra sur le theatre dressé sur deux batteaux au bout d'vn pont qui tenoit iusques à son Palais. Monsieur le Chancelier se presenta pour luy dire le commandement qu'il auoit du Roy. Quatre Consuls de Marseille habillez de leurs robes rouges suy presenterent les cless de la ville auec vn poyle de drap d'argent, souz lequel elle sur conduite au Palais, ayant autour d'elle Messieurs les Cardinaux, deuant elle Monsieur le Connestable qui la conduisoit, les Princesses, Madame la Chancelliere & autres grandes Dames apres.

L'vne des plus remarquables actions de

son sejour à Marseille, se fit le lendemain de son arriuée. Monsieur le Chancellier accompagné de Messieurs du Conseil, suiuy de plusieurs Maistres des Requestes, & les premiers Officiers de la Chancellerie vint à la grande sale du logis du Roy. La Royne y arriuat conduite par Monsieur le Connestable, Madame la grade Duchesse conduite par Monsieur de Guyse, Madamela Duchesse de Mantouë par Monsieur le Grand. La Cour de Parlement de Prouence luy fit la reuerence & la protestation d'obeissance, Monsieur du Vair premier President harangua auec tant de grace & d'excellence, que si les plus belles actions de l'eloquence sont considerées par l'approbation des auditeurs, la sienne est hors de toute comparaison.

Au partir de là fust presenté à la Royne de la part du Roy vn Carrosse couuert de velours tanné, auec du clinquant d'argent, le dedans de velours incarnat en broderie d'or & d'argent, les rideaux de damas incarnat tiré par quatre cheuaux gris.

Elle

Elle sejourna à Marseille iusques au seiziesme. Madame la grand' Duchesse de Florence sa tante reprint la Mer auec Madame la Duchesse de Mantouë sa sœur, S. M. partit pour faire le 17. son entrée à Aix,& le 19. en Auignon,où l'allegresse de son arriuée sut redoublée par la nouuelle de la reddition de Mont-meillan.

La ville de Lyon iusques à present estoit demeurée incertaine du lieu ou se feroit la celebration & la solemnité du mariage, & la plus-part croyoit que ce seroit à Grenoble. Le Roy le sit entêdre par lettres du 17. à Monsieur de Botheon, & à monsieur le Preuost des Marchands leur commandant de pouruoir à tout ce qui seroit necessaire pour la reception de la Royne.

Ce commencement fut receu auec autant d'allegresse qu'on y recogneut d'impossibilité pour l'executer, le temps estant si pressé & contraint qu'il y en auoit trop pour ne rien faire, & trop peu pour faire quelque chose conuenable à la grandeur

& merite de ceste occasion.

#### L'entrée

Mais comme les grandes affections ne rencontrent rien d'impossible, & n'y a empeschement qui puisse mettre du plomb aux aisses d'vn bon courage, Monsieur le Preuost des Marchands sur lequel retomboit toute la charge du commandement du Roy pour ceste reception, trouua ses copagnons si plains de bonne volonté que celle du Roy ne sut pas plustost proposée que suiuie, auec plus d'ennie d'executer que de cosiderer les difficultez de l'execution. En ceste resolution donc ques de faire plus que le temps & la consideration de leurs affaires ne le permettoit, ils n'oblierent rien de ce qui pouuoit seruir à la grandeur & à l'honneur de ceste action, & trouuerent qu'à la fin rien ne leur manquoit que le temps.

Pour n'en rien perdre ils aduiserent le mesme iour à ce qui estoit necessaire pour l'ordre des copagnies des trente-six quartiers de la ville, despescherent au Sieur de Serezin Capitaine des enfans de la ville pour se trouuer en ceste action. Luy qui

aime

aime mieux la poudre des batailles que celle des tournois s'en excusa, estimant que son deuoir l'obligeoit plus à se tenir auec sa troupe dans les neiges de la Tarentaise autant de temps qu'il en auroit le commandement pour le seruice du Roy, que de paroistre à cheual, le panache à la Guelphe parmy les ruës tapissées de Lyon,

pour la pompe d'vn iour d hyuer.

Ils rencontrerent de grandes difficultez en l'ordre des rangs & des preseances. L'vne des plus affectionées estoit celle des Marchands des villes des Cantons de Suisses qui fondez en l'exemple de l'entrée du Roy vouloient preceder ceux des villes Imperiales qui demandoient le deuant. Monsieur de la Guiche ordonna que sans preiudice de leurs pretentions, ils marcheroient tous ensemble comme ne faisans qu'vn corps, n'ayas qu'vne langue & estans tous compris souz le mot de nation Germanique, & que celuy qui porteroit la parole ne distingueroit les vns d'auec les autres. C'est expedient sust suiuy & le Sieur


#### L'entrée

Sponde, pour l'indisposition du sieur Clé

parla à la Royne au nom des trois.

Ayant passé le 18. & le 19. pour ce qui estoit de la codition des personnes, ils penserent aux choses qui depedoient de la Peinture & de l'Architecture, & pour auoir quatre ou cinq iours de temps pour acheuer, ils enuoyerent le Procureur de la ville à Valence à Monsieur le Chancellier, pour supplier la Royne de ne differer son arriuée, mais bien la ceremonie de son entrée pour trois ou quatre iours. Mais comme le Roy auoit marqué le iour qu'il desiroit qu'elle entrat, elle preferat sa volonté au contentement qu'elle eust receu en la perfection de c'est appareil, & manda que sans remise elle entreroit le Dimenche troisseme Decembre & se rendroit à la Motre le Samedy.

PRE



et DISPOSITION de l'appareil.

de dignes & capables sujets pour entreprédre la direction & conduite de ce dessein, & neanmoins on iugea raisonnable d'y employer celuy qui l'auoit serui en l'entrée du Roy. Il s'excusat sur le téps, qui ne luy donnoit temps de conceuoir, ny de meurir rien de conuenable à la grandeur de ce dessein. Il craignoit comme vne mort ciuile de rougir au manquement de l'entreprise, où de courir le hazard de ne traitter vn si digne sujet selon son merite.

Ceux qui prindrent la peine de le chercher, & qui le trouuerent en la maison d'vn des plus sçauans hommes de France, dans le labyrinte d'vn proces qu'il r'aportoit aux espineux hatiers duquel on n'eust

sceu trouuer vne seule syllabe des vers de Virgile ny d'Homere pour faire vne bonne deuise, sçauent bien que ces pensées estoient fort esloignées de c'est exercice, & ses humeurs ailleurs qu'en la poësse, l'ignorance de laquelle il n'estime pas Anatheme.

Ceste occasion si contrainte & pressée ne donnant lieu aux excuses, ne demandoit des paroles ny des discours comme des outres enflées de vent, mais des effects, & vouloit que cotre la precepte de Myson chacu se preparat en besognant. Par l'aduis des Peintres & Architectes, qui en telles occasios n'ont iamais rien fait de couhard ny d'imparfaict, il proposa la structure d'vne haute Pyramide, deux statuës d'estuc, deux grandes perspectiues, la couverture du Pont & huict Arcades. Si les actions du corps qui sont successiues se faisoient en vn instant comme celles de l'esprit, il ny eust point eu d'interualle entre le dessein de l'œuure & la perfection. On ne leur donna que dix iours pour tout cela, ils en prindrét vingt

vingt à la façon de ce Roy d'Egypte, qui aduerty par l'Oracle qu'il ne viuroit plus que six ans, se resolut malgré les Parques d'en viure douze, faisant de la nuict le iour. Ce doublemet de terme fust encores trop court, car des huict Arcs desseignez il ny en eut que six sur pied. Celuy de Messieurs de la grande Eglise fust tout entier. La porte du Rosne n'en eust point. Celuy qui se deuoit dresser au Puy-Pelut estoit dedié à la Beauté auec toutes les merueilles de son triophe, pour faire voir l'admirable beauté des vertus de l'Ame de la Royne, & l'admirable vertu des beautez de son corps. Les Emblemes, les histoires, les inscriptions preparées pour son enrichissement eussent desabusé ceux qui croyent que la beauté ne loge point auec la pudicité, qui estimét qu'il y a entr'elles la mesme inimitié qu'encore la Fortune & la nature, & que si quelquesfois elles s'accordent ensemble, c'est chose si rare que le mode l'estime-on pour miracle ou pour fable.

En ceste beauté eur paru yne autre beau-

té dont la perfection ne dépend point du iugement de l'œil ny du changement du temps, ny des incommoditez de l'aage, c'est vne saincte slamequi allume les vertus en l'esprit, qui attire les affections, commande sainctement aux volontez.

On eust veu aux pieds de ceste beauté heureusement parfaicte & parfaictement heureuse deux amours. L'vn aueugle rompant son arc de colere, l'autre clair-voyant luy offrant ses aisses pour ne l'abandonner iamais, & ne prédre autre ciel que les yeux de ceste Princesse, ànsiens, épas. Ces quatre vers eussent parlé pour l'aueugle.

L'amour est en furie
Et despite les Cieux,
Car la belle Marie
Luy emporte ses yeux.
Et ceux-cy pour l'autre,

L'amour est icy pour iamais, Car Marie est l'amour des belles: Et pour sa beauté de sormais, L'amour du Roy n'aura point d'aisles. Ces vers furent veuz auant que M. Bertaud eust faict voir son chant nuptial ou ce bel esprit dict le mesme d'vn meilleur air:

Bruslez dedans le feu que ces graces attisent D'une ardeur volontaire & durable à iamais,

Content qu'en vostre amour ces stames s'eternisent.

Et qu'amour soit pour vous sans aisles desormais.

Comme ceste arcade ne sust commencée, aussi plusieurs autres desseins demeurerent en leur commencement sans estre acheuez. On dira que ce qui restoit à faire est plus beau que ce qui parut de parsait. Le Pont deuoit estre couuert d'un bout à l'autre, enrichy d'un costé de soixante quatre statuës des Roys de France, prenant la iuste descente du Roy à Pharamond, comme elle se void en la Genealogie qui est au discours de son entrée. De l'autre on y cust mis les quatre races de la maison de la

Royne. Il ne fust couuert qu'au milieu, d'vn ornement si simple, & d'vn artissice tant elloigné d'artissice que ceux qui au commencement l'estimoient plus œuure de village que de ville, le priserent & trouuerent ce Printemps agreable en hyuer.

Le Secretaire de la ville employa fort à propos & par vne galante repartie ces quatre vers qui excusent la structure, seruent de raison à l'inuention, & d'Apologie aux

mocqueurs:

Il ne faut plus que l'on desire Qu'autre saison puisse arriuer, Voicy vn Printemps qui souspire Les sleurs au milieu de l'hyuer.

Les statuës au deuant du logis de monsieur de la Guiche & au petit Palais n'ont eu leurs inscriptions qu'apres l'entrée. Le portail de l'Archeuesché n'eut que des armoiries, entre lesquelles ces vers deuoient estre escrits:

Exop

EXOPTATA DIV GALLIS AVRORA CORVSCAT,

QVA GEMINI FLORES ORBIS MIS-CENTUR IN VNVM

AVREA PVRPVREIS SVPERI DVM LI-LIA NECTVNT,

SEMPER VT HOC NEXV DIVÆ SINT OTIA PACIS

REGIS ET AETERNVM SOBOLESCAT AVITA PROPAGO,

PALLADIAE FRONDIS VIRIDIS VEL PALMITIS INSTAR.

Ce dernier vers est l'vne des plus desirées benedictions du mariage. Celuy qui a faict tant de miracles pour le Roy & le royaume la luy donnera sans miracles, à sin que ce qui manquoit à la felicité d'Auguste surabonde en l'heureux regne de ce Prince, & qu'on voye en luy ceste saincte promesse du Ciel parfaicte & accomplie.

Ta femme sera comme la vigne abondante à l'entour de ta maison,

Et tes enfans comme nouvelles plantes d'oliuiers à l'entour de ta table.

On ne sçauroit donner au Roy vn plus excellent Epithalame que les trois versets de ce Psalme de la traduction de monsieur de Thiron.

Ta femme sera de la sorte Dans les parois de ta maison, Comme est une vigne qui porte Force bon fruit en la saison.

Et tes fils autour de ta table Arrangez beaux & verdissans, Comme la ieunesse agreable D'un plan d'oliuiers fleurissans.

De tes enfans race sur race Puisses-tu voir sains & dispos, Puisses-tu voir vn long espace Israel en paix & repos.

S'il y eust quelque chose de remarquable au reste, ce ne sut qu'en diligence, laquelle ne sur que trop grande en plusieurs endroits qui meritoient plus de soing, d'art & d'estude. Les ouuriers estoient tellement pressez, & du temps, & des hommes, les ouurages si diuers & embrouillez, que tous les sages d'Athenes y eussent perdu leur ceruelle. En sin en dix iours tout ce qui se void en la sigure sut inuenté, dressé, & planté. C'est vne rigoureuse loy qui contraint de saire bien, beaucoup & promptement.

# L'ARRIVEE DE LA ROYNE ET SON THEATRE àla Motte.

A Royne partit de Vienne à si bonne heure qu'elle arriua au bourg de la Guillottiere incontinent apres Midy. On luy auoit dressé & preparé son logis à la Motte, lequel elle ne voulut prendre, pour l'incommodité de sa suitte, & se logea au Bourg. Monsieur de la Guiche Cheualier des deux ordres du Roy, Gouuerneur & Lieutenant general pour sa Majesté en la ville de Lyon, païs de Lyonnois, Forests, & Beaujoulois luy alla au deuant auec bon nombre de Gentils-hommes de son gouuernement & autres. Il la rencontra & luy sit la reuerence sur le grand chemin de Vienne à l'endroit de la maison du Sieur de Champagneu, & luy ayant dit quelques paroles remonta à cheual, & s'alla rendre au logis preparé à sa Majesté pour la receuoir. Là elle trouua des nouuelles du Roy par monsieur de Roquelaure qui luy presenta de la part de sa Majesté le grand collier Royal d'inestimable valeur.

Le lendemain Dimanche troisies me de Decembre la Royne suivie des Princesses & des Seigneurs de la Cour alla ouir Messe à la Motte, & y disna. On avoit dressé vn theatre qui tenoit toute la face entre les deux tours qui regardent la ville, sur lequel elle pouvoit entrer de sa chambre, & estoit capable pour toute sa suitte, couvert & paré de riches tapis & tapisseries.

Mais le temps roulla & pressa tous ces desseins auec telle ardeur & precipitation que les charpétiers oublierent de poser l'vn

des

des premiers ornemens de ce theatre. C'estoit vn grand tableau representant les legitimes embrassemens de Mars & de Minerue, & la conionction du Laurier & de l'oliue, sous laquelle la France espere de respirer de ses trauaux, reprendre ses premiers esprits de paix & de concorde, & se voir le resuge des sciences, lesquelles estant chassées autresois d'Athenes vindrent surgir à Marseille comme à vn port de seureté. Ces deux vers monstroient cela.

FRANCORVM MARTI SOCIATVR ETRVSCA MINERVA,

FOELICI HOC HAC NEXY FRANCI SPERATE QUIETEM.

Ainsi M. Bertaud à conjoint l'espée de Mars, à l'arc de Diane.

LA VIERGE CHASSERESSE A LA FIN S'EST SOVS-MISE

AVX DOVCES LOIX DV IOVG FVY SI LONGVEMENT,

BIEN QU'ELLE N'AIT DAIGNE DES-POVILLER SA FRANCHISE

QVE POVR LA SAINCTE AMOVR DE MARS TANT SEVLEMENT.

Au dessouz en vn grand carré ceste inscription.

MARIÆ MEDIC. PRINCIPI SERENIS. FRANCISCO MAGNO FLORENT. ET SENARVM DVCE, IOANNA AB AVSTRIA FERDINAND. I. IMPER. F. CLARIS. PARENT. PRAECLARIS NATVRAE DOTIBUS IN COMPARABILI, CHRISTIANIS. ET INVICTIS. HENRICI IIII. FRANCORVM ET NAVARRAE REGIS SPONSAE DESIDERATIS. EXPECTATIS.

Vota omninm Lugd. Vrb. ordinum.

Au plus haut du tableau deuoient paroistre les armes de la Royne, & aux deux costez deux deuises.

L'vne d'vn Soleil passant d'vn Pole à l'autre, ou tel qu'il est en son couchant quand il retire sa lumiere de nostre hemisphere pour luire à l'autre auec ce mot:

ALIIS ADFERT ALIIS ADIMIT.

On s'estonnera pourquoy on donne vn Soleil qui se couche à vn Soleil qui est à son fon Leuant, qui a autant de lumiere pour mouuoir les cœurs à son admiratio, que le Soleil en à pour tirer les yeux à son Amour. Volontiers le Soleil en son Ponant est pris pour le calme & la serenité de l'ame, lors qu'elle est espurée de ses passions, & que ceste bouillante ardeur du sang, ceste surieuse Canicule est temperée & adoucie par la derniere saison de l'aage,

Vt esse Phæbi dulcius lumen solet, Iam iam cadentis.

Vn des plus beaux esprits de Frace, & qui y tient pour sa qualité des premiers rangs, m'a monstré sur ce suject vn Epigrame de sa façon, auquel en accommodant les dernieres heures de la course du Soleil au dernieres & plus meures années de la vie, il fait voir le temps de la vraye tranquillité de l'ame, & lors qu'elle est plus proche de l'eternel Solstice, & de viure au port apres qu'elle a long temps flotté & tremblé dedans les frayeurs & les horreurs de la Mer du monde. Il est force d'enchasser vne si belle

belle & riche pierre dans le cuyure de cestepage,

Oceani tædam quum Sol deflammat in vndis Tunc radys oculos tardat amabilibus.

Tempore sic florens vbi qu'um deferbuit atas Inficit & nigras cana senecta comas,

Libera mens vinclis educta cupidine caco Nullis stat veluti vnda incita spiritibus: Tunc mentis oculos non inuida nubila turbant,

Tunc mentus oculos non inuida nubila turbant, Cernere quin valeant numina exlituum Parte aliqua, ostendet totum post fata quieta

irte aliqua, ostenaet totum pojt fata quieto Solstitio dubias haud metuente vices.

Qui considereroit que ceste Princesse est esseuée au plus haut poinct & en la plus haute Sphere des grandeurs du monde, trouueroit ceste Embleme du Soleil couchant mal conuenable à sa Majesté, qui comme vn Soleil tant plus il est esseué, plus sa lumiere est grande & esclatante: mais l'Esprit de ceste deuise n'est que pour monstrer que ceste Princesse desormais oste la lumiere au lieu de sa naissance & la donne à celuy de son regne.

Ce

Ce quatrain eust donné vn autre sens à la mesme deuise.

Le Soleil ses rayons retire, La Royne doit luire à son tour, Par tout ou sa face veut luire: On a tousiours assez de iour.

L'autre d'vn Dauphin auec vn rameau d'Olivier. Quand les Dauphins s'esseuent en la Mer, & qu'ils se jouënt, c'est signe que l'orage est prochain. Delphini, dit Pline, tranquillo mari lasciuentes, flatum ex qua veniunt parte presagiunt. Pierius en a recueilly quelques raisons au 27. de ses Hieroglyphiques. Le Dauphin que l'on espere de ce mariage doit estre le seul signal du repos de ce royaume.

En la mer le Dauphin deuance Des vents & de flots le courroux, Mais le Dauphin naissant de vous Promet la bonace à la France.

Ceux qui ont leu le chant nuptial de monsieur Bertaut, l'Homere des Poëtes

François, & qui liront en ce discours la harangue de monsieur de Villars, croiront que ce trait du Dauphin a esté tiré de leur inuétion, le Lecteur en croira ce qu'il voudra, ce rencontre est par hazart & non par finesse, & quat il seroit par imitation ce seroit beaucoup de gloire à l'autheur d'imiter ces deux beaux esprits, dont l'vn est autant admirable en ces escrits, comme l'autre est inimitable en son eloquence.

L'inscription autour du Dauphin,

 $\Upsilon'$   $\Pi$  E P' P' A'  $\Gamma$  H A'  $\Sigma$   $\Pi$  E T O  $\Sigma$  A I'  $\Theta$  H' P.

Au milieu de ce Theatre estoit esseué le Throsne de la Royne, dans lequel elle entendit les Harangues pronocées au nom des corps, des ordres & colleges de la ville.

Tout le Clergé alla en procession à la Motte. M. l'Obeancier de sainct Iust qui porta les vœux & les prieres de son ordre n'a voulu que sa harangue fust icy. Monsieur le Chancelier sut en ceste action l'interprete de la Royne, & de la ville qui

est honorée de sa naissance autat qu'Athenes de ses Phocios, de ses Pericles, & Rome deses Catons. La Royne ne respondit par fa bouche qu'aux Florentins. Toutes les harangues qui sont icy r'aportées furent prononcées à genoux, excepté celle des villes Imperiales, Suisses & Grisons, qui sont en possession de parler debout. Et sur-ce que monsieur le Chancelier leur dit la forme de ce deuoir qui ne donne point de priuilege ny d'exception aux estrangers, & les oblige de rendre au Prince, en l'obeissance duquel ils demeurent, le mesme honneur qui leur est deu par les sujets en telle action, ils respodirent qu'à l'entrée du Roy Henry II. il ne s'estoient presenté autrement, & que pareille dificulté estant suruenuë à l'entrée du Roy à present regnant, sa Majesté eust agreable de les entendre auec ce priuilege. Monsieur le Conestable voulust sçauoir si les choses estoient passées comme cela, Monsieur de la Guiche se trouua tout à propos pour en dire à l'honneur de la verité & faueur des priuilegiez.



### LES HARENGVES FAITES A LA REINE

SVR LE THEATRE

De M. Thome Preuost des Mareschaux au gouuernement de Lyon.

Lune auec le Soleil forme l'eclipse obscurcissement de l'vniuers. Vous Madame jointe auec ce grand Soleil de tous les Princes de ce monde, par effet differéd rendez à la France sa premiere splendeur, & ne luy reste pour comble de ses felicitez, que de cueillir le fruict des liz hentez seul antidote & preservatif de noz maux aduenir. Dieu en haste l'heure, & nous conserve ces astres iumeaux.

#### DE M. DV SOLEIL, conduisant les compagnies de la ville.

Adame ceste trouppe de Capitaines qui ont l'honneur de commander à toutes ces sorces souz l'authorité du Roy, ne pouvoit desirer plus de contantement, d'esperance ny de repos, que la veuë de vostre Majesté pour luy offrir & biens & vies: la supliant tres-humblement prendre toute asseurance de leur sidelité, & les vouloir tenir pour vos, tres-humbles, tres-obeissans & tres-sidelles sujects & serviteurs.

#### DE M. BONVISI POUR les Lucquois.

ADAME, la natione Luchese fa humil reuerenza alla Maesta vostra, giubila quanto maggiormente puo del suo arriuo con salute in questo regno, e insieme del felicisimo suo maritaggio, se li esibiscono per deuotisi-

mi e humilisimi seruitori in generale e particulare, e la suplicano della sua protetione e fauore in tutte le occasioni che si possono presentare, & loro pregherano del continuo il Signor Iddio per la prosperita e lunga vita di loro Majesta con pronta prole.

### DE M. GONDY POUR les Florentins.

abitante in questa sua Citta di Lione senti gioia infinita, quando intese che la Majesta vostra veniua à honorare questo regno della presenza sua, & hora che la vediamo qui arriuata con prosperita, & fa tante & cosi segnalate victorie del gran Rè, non è alcuno di noi, che dentro al cuor suo non si senta raddoppiare il giubbilo & l'allegressa, & come seruitori humilisimi & deuoti, che d'ogni tempo siamo stati à questa Corona, & alla senerisima casa sua, facendoli reuerenza li offeriamo la deuotion nostra, la servitu, & tutto quello, che

che dalle debol' forze nostre puo dependere, & benche le guerre & trauagli de tempi passati habbino hora riddotto il numero di noi, rispetto à quello che gia soleu essere, à poco, speriamo non di meno che Dio benedirà talmente le sue attioni, il suo Scettro, il suo Imperio, che sotto quello ne succedera la desiderata tranquillita & quiete, & che in cosi felici tempi noi habbiamo à crescere & risurgere in piu numero & forza, ma particularmente con il fauore della protettione di V. Majesta, nella quale con ogni debita humilità la suplichiamo di volerci sempre hauere & conservare.

#### DE M. SPONDE POUR les villes Imperiales, Suisses & Grisons.

Adame, comme les grands effects d'alliance & d'amitié qu'on à veu de long temps entre la coronne de France & nostre nation nous ont donné vn grand ressentiment de ses miseres, aussi receuons nous maintenant vn contentement incroyable

croyable en ses felicitez, voyant apres tant de sanglans exercices de la guerre, des victoires incroyables, vne paix plus desirée qu'esperée, & à la fin la cojonctio des deux plus grands, plus genereux & magnanimes cœurs du monde. Il ne faloit que celà pour affermir & asseurer la bonne fortune de la France, en laquelle Madame nous vous desirons vn regne paisible, vne prosperité immuable, vne longue suite d'années les mesmus ou plus grades benedictions de secodité, que receut l'Imperatrice vostre ayeule, & vous supplions nous tenir come vostres.

#### DE MONSIEVR LE President de Villars pour la Iustice.

Adame, les merueilles que Dieu a voulu faire voir au monde en la naiffance & progres de la vie & des actions de nostre Roy ont estez iusques icy les essets de la Iustice diuine, pour coseruer à nostre souverain Prince l'heritage legitime de S. Louys:

Louys: mais ce que nous voyons maintenant auec admiration de ceste grande alliance, nous est vn tres-asseuré tesmoignage de sa diuine bonté, & de ce qu'il a ordonné pour le bien de tout le Royaume. Le temps menassoit nostre bon-heur d'vne cheute pour son accoustumée inconstance: nous ne jouissions du repos qu'auec crainte de le perdre: nos prosperitez n'estoient que des feuilles, nostre paix n'estoit qu'vne fleur. L'histoire pitoyable de nos desordres passez nous metroit deuant les yeux vne image essroyable des malheurs de l'aduenir, nos plus beaux iours estoient troublez par les nuicts des ennuis qu'vne violente imagination nous rédoit presens. Dieu a voulu que pour l'entiere reuolution du bon destin de la France, elle eust recours pour la seconde fois à sa tres-illustre race de Medicis, pour rendre nostre fleur de lys non seulement florissante, mais fructueuse, feconde & abondante en germe Royal, seul & vray soustien de l'Estat. Les Dauphins sont presages de la tourmente sur la

mer: mais vn Dauphin Royal nous sera vn gage de l'erernité de nostre salut, c'est le plus sainct des desirs de nostre bon Roy: c'est le digne suject des veuz communs des François, vostre Majesté a esté reseruée du Ciel pour perpetuer la sacrée tige de nos Rois, & rendre leur succession esgale à la durée du monde. La nature a assemblé en vostre Majesté toutes ses graces & ses plus riches dons pour vous faire l'ornement de la France qui est l'ornement de l'Europe.

Les petits Aiglons sont exposez aux rayons du Soleil pour preuue de leur generosité naturelle, & vostre Majesté estant issue de l'Aigle du costé maternel, a esté recognuë seule capable d'aprocher de pres, & regarder à veuë franche ce grand Soleil qui des rays de ses Royales vertus esclaire non seulemet la France, mais tout le monde, tous autres yeux se sussent es vostres seuls soustiendront c'est esclaire, les vostres seuls soustiendront c'est esclaire, & par vne douce reslexion le serain de vostre Royale face releuera nos esperances au plus haut

Ciet de felicité, & nous fera voir en nos iours les plus fermes asseurances de nostre repos. Madame reccuez, s'il vous plaist, l'hommage que nous rédons à vostre Majesté, à laquelle nous offrons nos cœurs comme agreables victimes de nostre treshumble obeissance.

#### DE MONSIEVR LE PREVOST des Marchands, pour le corps de la ville.

Adame, si toutes les parties de mon corps estoient transmuées en langues, & que chacune eust autant d'eloquence comme il y en a en vous, de beauté, de grace & de perfection, encores ne me sembleroient-elles suffisantes de pouuoir exprimer dignement, l'ayse, la ioye, & le contentement que reçoit tout le peuple de Lyon, de vostre heureuse arriuée & aduenement à ceste Coronne: mais ce que ie ne pourray proferer ny dire, sera par vous leu en nos faces, & facilement remarqué en

toutes nos actions, & trouverez Madame, tant de fidelité, d'obeissance, & d'affection en tous ses Bourgeois & Citoyens que ie vous presente, prosternez auec moy deuat vostre Majesté, que vous confesserez librement qu'il ny auoit autre peuple en tout l'vniuers, qui meritast mieux d'estre commandé de vous, & de vous auoir pour sa Royne que nous, qui prierons incessamment Dieu pour vostre prosperité & santé, & qu'il vous face la grace de conter les ans de vostre regne, par le nobre de vos enfans.

En toutes les responces que la Royne sit à ces harangues, elle desira que monsieur le Chancelier sit entendre le contentement qu'elle receuoit en ce deuoir, & son desir de se souuenir de tant de tesmoignages de

feruices & d'affections.

LOR

#### L'ORDRE TENV en marchant.

PRES les harangues finies, la Royne se retira en sa chambre, en attendat que les troupes sussent aduancées pour s'acheminer en la ville, lesquelles Monsieur le maistre des Ceremonies sit passer en cest ordre.

Marchoit premierement le Preuost des Mareschaux seul auec ses Officiers & Archers.

Les trente-six Penonnages de la ville, ayant en teste le Sieur du Soleil & le Sieur du Fenouil.

Vne grande troupe de gens de cheual, tant de la suitte de la Royne que d'autres.

Ceux de la ville & Republique de Lucques.

Ceux de la ville de Florence.

Ceux des villes Imperiales, & des Cantons de Suisse, Grisons, & Sainct Gall, tous

ensemble pour la contention des presean-

ces & sans preiudice.

Messieurs du siege Presidial, deuat lequel marchoient les Archers de robbe courte, & la compagnie du Cheualier du guet.

Grand nombre de Seigneurs & Gentils-hommes, tant François qu'Italiens à

cheual.

Dom Anthonio de Medicis seul à cheual, & vne grande troupe d'estafiers autour de luy à pied.

Les Exconsuls & notables Bourgeois de

la ville.

Messieurs les Commandeurs & Cheualiers du sain & Esprit.

Les Pages de la Royne, sur cheuaux ri-

chement enharnachez.

La haquenée de parade de la Royne.

En cest ordre elle arriua à la porte du pont du Rosne, où elle estoit attenduë par M. le Preuost des Marchands, lequel auec les autres Escheuins, luy presenta le poyle, les cless de la ville & ces paroles:

Madame

Adame, ce Lyon qui a tesmoigné par tant d'actes signalez de son deuoir, qu'il est genereux d'effect comme de nom: ne presente les cless de ses portes à vostre Majesté par des cœurs feminins comme il se faict en d'autres lieux, ains par la main d'vn Cheualier eschapé de plusieurs combars, vostre tres-humble suject & sidelle seruiteur, lequel prosterné àvos pieds, vous offre par melme moyen, les cœurs, les veux, & les affections de tous ses Concitoyens, que si en ceste reception vous ne trouuez tant de pompe & magnificence, comme vostre Majesté merite, & que jadis en fust faicte à la Royne Catherine vostre tres-honorée tante que Dieu absolue, accusez en les disgraces passées & la briefueté du temps que nous auons eu pour nous y preparer: car en affection & desir de vous faire humble service, nous ne cedons à autre Prouince de vostre Royaume.

Ce deuoir acheué il monta à cheual, & print son rang deuant la lictiere de la Royne. Deuant luy marchoient les Gladiateurs

& maistres d'escrime, le Sieur de Masso, Lieutenant du Sieur du Soleil, les Mandeurs, les officiers de la maison de ville.

Le poyle de la Royne estoit porté par quatre Escheuins, M. de Iarnioust, M. de Poculot, M. Regnaut, M. de Masso, Seigneur de S. André du Coing en la place & par l'indisposition de M. de Myons premier Escheuin.

Apres la Royne venoient les Princesses, Duchesses, & autres grandes Dames de la Cour en leurs carrosses, & apres tout cela

les chariots de la Royne.

En cest ordre S.M.entra en la ville, l'artillerie tonnant, les trompettes, haubois, & instrumens de Musique sonnans, les ruës tapissées, les principales places ornées & embellies des arcs, portiques, pyramydes, & theatres, qui sont representez en la figure & selon ceste description.



### LE PONT DV

RHOSNE.

A premiere porte du Pontleuis estoit reuestuë de festons & des armes du Roy & de la Royne, & au plus haut d'vn Lyon de relief, sous lequel estoient ces quatre vers:

De l'Empire François la plus fidelle porte, Qui enferme en ses murs deux villes & deux monts,

Offre pour vous seruir deux fleuues & deux ponts:

Et vouë à vostre fleur tous les fruicts qu'elle porte.

La seconde porte n'auoit autre paremét que d'vn portrai et de la ville de Lyon, representé par vne semme, tenant en vne main vn Lys, & en l'autre vn bouclier, dans lequel estoit le plan de la ville, auec ce vers.

EXPECTATA NOVI FYLGET SPES AVREA SÆCLI.

Et par-ce que les Princes Dauphins font leur entrée par ceste porte, on y lisoit ce Quatrain.

Pour vne Princesse si belle Ie deueis paroistre autrement, Mais i ay gardé mon ornement Pour le Dauphin qui naistra d'elle.



### L'ARC DRESSE' deuant l'Hospital.

Vr le frontipisce de cest Arc estoit vne statuë representant par vne corne d'Amalthée, & vne couronne d'Oliue la Paix & l'Abondance. Au pedestal.

AVREA TV NOBIS VBERTAS, LAV-REA PACIS.

Entre le pedestal & le ceintre de l'Arc, Iunon Iunon allaictant Hercules & la Voye lactée, entre deux ouales. En l'vn ce mot marquoit la beauté de la Royne comparable seulement aux Deesses.

ΘΕΗ Σ ΕΊΣ Ω°ΠΑ ΕΌΙΚΕΝ.

Elle ressemble de Visage aux Deesses. En l'autre,

MARIAE IVNONI AVGVSTAE.

Ce n'est pas la premiere Princesse qui a esté surnommée Iuno. L'histoire Romaine donne à Auguste le surnom de Iupiter, à Iulie celuy de Iuno: à Drussille celuy de Venus, comme au-parauant les Atheniens l'auoient donné à Lamia & Leæna.

Au reuers de l'Arc estoit escrit.

FOELICES HYMENÆE FACES QVIBVS VRIS AMANTES,

ÆTERNY'M FOELIX AVGVSTO PRIN-CIPE VIRGO,

ÆTERNYM FOELIX AVGVSTA VIR-GINE PRINCEPS,

TER FOELIX FOEDVS, TER FOELIX FOEDERE PROLES,

QVÆ PATRIS ORA FERENS TITVLOS ÆQVABIT AVORVM.

G 2



## LA PTRAMIDE AV bout de la grande ruë.

de septante pieds, seinte de marbre blanc, enrichie de schiffres & d'entrelassemens de Myrthes, de Lauriers, de coronnes, & autres hieroglyphiques d'amour, de concorde, ou de mariage. Au dernier parquet vn Temple de Foy, tel qu'il est aux vieilles Medailles, & comme le rapporte I. Lipsius en ses inscriptions, de l'honneur qui donne la main à la verité, & d'vn Cupidon au milieu comme venant des deux. A l'vne des faces de la Pyramide.

IN PUBLICA LAETITIA REGII, CONIVGII QUOD FOELIX ET FAUSTUM SIT PROCREANDIS LIBERIS. LUGD. LL. ERIG.C.

#### Al'autre,

L'odeur de ce beauliz, ayat le ciel pour terme Remplira l'Uniuers sur vu cube si ferme.

LE



### LE THEATRE AV. deuant de la Grenette.

miere ville de Frontiere, la Royne vit tout le Royaume. Il auoit en perspectiue plusieurs figures representant les principales prouinces & gouuernemens de France, auec les armes & escusson des Royaumes, Duchez ou Comtez dont elles ont porté le tiltre auant que d'estre reunies soubs la couronne. Le plus haut du theatre estoit pour la France representée par vne grande statue, apuyée sur vne colonne en uironnée de deux serpens pour la prudence, & la fermeté. Au pedestal qui la soustenoit estoit ce mot.

#### KO'ΣMOΥ ME'POZ AI'EN A'TEIPH'Σ,

Pour monstrer qu'elle est inuincible & ne se peut ruïner que de son propre poix. Les choses passées, sa longue durée, ses grandes calamitez, son assiette entre la mer

Occeane & la Mediterranée & ses armes qui ont porté les sleurs de lys par tout le monde en ostent tout doubte.

Au costé droit Catherine de Medicis Royne de Frace, & mere des derniers Rois de glorieuse memoire paroissoit en la sorte qu'elle a esté veuë depuis la mort du Roy Henry II. auec ces quatre vers.

Vne fleur de Florence a fait voir la coronne Sur trois Rois de Valois, Dieu tout iuste & tout bon:

Vne plus belle fleur à la France redonne, Pour la rêdre immortelle au sceptre de Bourbõ.

En l'autre bout la Royne regnante.

La nature monstrant d'une main liberale, Les plus rares faueurs de ses thresors en toy, Et voyant ton esprit te vouloit faire masse, Mais le ciel te voulut semme & mere de Roy.

A la plus belle & plus apparente veuë du Theatre estoient les huit plus grandes & principales prouinces du Royaume, qui font autant de Parlemets, & soubs lesquelles tout le reste est copris. En l'vne des frizes du theatre on lisoit.

GALLIA TOT NIVEIS COMITATA
SORORIBVS 1981,

REGINAE ASSVRGIT, MERITOSQUE REPENDIT HONORES.



# LE PORTAL DEVANT l'Eglise S. Nizier.

V plus haut estoit esleuée vne victoire tenant en main deux coronnes sur vn globe du monde, semé de besans de la maison de Medecis, aux fleurs de lys. Au pedestal qui soustenoit l'vn & l'autre,

Orbibus his implebitur orbis.

Au dessous vn tableau de deux Dianes
à la chasse.

VENANTUR GEMINAE VARIA SED SORTE DIANAF.

ISTA CAPIT REGES, CONFICITILLA FERAS.

Aux deux costez du tableau deux deuises,

### L'entrée

ses, La premiere d'vn Myrthe entrelassé en colomnes auec ce mot,

REDDET VTRAMQVE VIRENTEM.

Deux Myrthes raportées aux deux qui estoient à Rome, deuant le temple de Romulus, l'vne appellée la Patricienne, l'autre la Plebée. Pline liure 15. chap. 29.

La seconde d'vn Arbre tournant & pan-

chant tousiours devers le Soleil.

#### SVRGIT ET OCCIDIT VNA'.

Il se pouvoit prendre ou pour le Lotos, ou pour le Citronnier. Il est vray que la dispute est grande si le Lotos, est arbre ou herbe. Homere met deux sortes de Lotos, l'vne d'arbre, & l'autre d'herbe. Theophrasse dit que c'est vn arbre de la grandeur d'vn poirier. Diodore en sa bibliotheque estime que ce soit vn arbre d'Egypte: Tzezes l'appelle vne herbe sauvage: lamblique expliquant les marques hyerogliphiques de la Theologie des Egyptiens, dit, que le Lotos, arbre aquatique represente Dieu, parce que sa principauté surpasse la fange

du monde, & gouuernant l'vniuers, il n'y touche point, ains administre vn Empire du tout intellectuel & celeste, car tout est rond au Lotos, aussi bien le fruict, que les fueilles. Par où est signissée l'action circulaire & tournoyante de l'entendement, qui se conduit & maintient en mesme sorte. Il n'estoit representé icy, que pour monstrer la parsaicte vnion des volontez, ces arbres estans tellement solaires, qu'ils tournent tousiours la branche & la fueille deuers le Soleil.

Entre les deux colomnes de l'arcade du portal estoient esseuées deux statues: l'vne de l'Asseurance ou Constance, tenant appuyée sur vn roc en main vn Cube Hieroglyphique de constance & de fermeté: car ceste forme paroist tousiours droicte de quel costé qu'elle tombe, & pource Platon, Simonides, & Aristote, appellent, homme constant & asseuré 18 Jpá200101. Au dessus de ceste statue estoit ce vers.

TVTA QVIES, HOSTILE NIMIL, RVRE, VRBIBVS VNDIS.

# L'entrée

L'autre statuë estoit l'Esperance, telle qu'on la represente aux vieilles medailles auec vn vase plein de sleurs, pour monstrer que l'esperance du fruict est infallible, puisque la sleur en est si belle, & ce vers,

SPES SOBOLEM OPTATAM VEN-TVRAIN SAECVLA SPONDET.

Au reuers du portal estoit ce quatrain,

Ceste Royne est sans pair, son merite sans pris,

En sçauoir, en beauté sa Majesté surpasse Les merueilles du monde, elle est aux beaux esprits,

La seconde Pallas & la quatriesme Grace.



V plus haut paroissoit l'ancienne eneigne, de la ville de Florence, telle que Gabriel Simeon l'a representé en ses Dialogues, où il remarque que les Florentins tins auoient accoustumé de couronner ce Lyon aux iours solemnels, d'vne coronne d'or, presage, que l'Estat se conuertiroit vn iour, sous l'vnique puissance ou la coronne d'vn seul.

Au tableau dessouz estoient portraictes les caresses & embrassemens du Rhosne, la Saone & de l'Arne.

#### DIVISAS IVNXIMVS VNDAS.

En la table d'attente releuée en la frise, de la corniche soubstenuë de deux colonnes estoit escrit,

Grande Princesse à vostre entrée, Receuez nos cœurs & nos vœux, Luysez comme la Vierge Astrée, Sur nos autels & sur nos feux.

Aux deux costez deux diuises.

La premiere vne Lune receuant l'influence de tous astres auec ce mot,

# OMNIVM INFLVXV.

Comme la Lune reçoit en son sein toutes les superieures influences, & principalement du Soleil: de mesme la Royne est embellie de toutes les vertus pour en faire voir la lumiere & l'exemple.

La seconde deux cœurs bruslans en mes-

me feu.

# VRIMVR IGNE PARI.

Au reuers du portail, ...

IN GREDERE TTA LIAE. SPLENDOR

THE LITY A MOENIA VIRGO MIL

ORBIS AMOR.

REDDE TVIS SEMPER FOELICEM
SEDIBVS VRBEM,

SIC ERIT ANTIQUO VRBS, ORBIS
IN ORBE NOVVS.

Ce dernier vers est imité d'vn Epigramme de Iule Cesar de la Scale, sur la ville de Lyoss. L'autheur & le subject meritent bien de le rapporter tout entier.

Fulmineis Rhodanus qua se fugat impiger

Quaq pigro dubitat flumine mitis Arar,

Lugdu

Lugdunum iacet, antiquo nouus orbis in orbe, Lugdunum-ve vetus orbis in orbe nouo. Quod nolis alibi quaras, hic quare quod optas, Aut hic aut nusquam vincere vota potes.

ELECTRONIC CALL TO C. V. C. P.

LE BERCEAV DE VERdure sur le Pont de Saone.

E Pont de la riuiere de Saone, sur le milieu, estoit couvert d'vn grand berceau de verdure, soubs lequel estoient douze niches à iour, & douze remplies de statuës de Princes de la maison de Medicis, à la memoire desquels il estoit dedié, par ceste inscription sur le premier front,

IMMORTALI DOMYS MEDICEAE,

Sous l'escrit paroissoient les armes de la maison de Medicis, telles que Cosme premier grand Duc de Toscane ayeul de la Royne les portoit. Ce sont cinq besans de gueules en champ d'or. Autressois le nom-

#### L'entrée

bre en estoit incertain, & lon trouue aujourd'huy des escussons qui en ont neuf, d'aucres huict, quelques vns sept. Le dessein de ceux qui premiers les prindrent en leurs armes, sut pour monstrer l'exaltation & la declination de ceste maison, au gré de la fortune, comme la nature du ballon est quelquessois de monter ou voller en haut, & autresois se rouler par terre.

RECVEIL DE L'HISTOIRE de Florence, pour l'intelligence de la Genealogie de la grande maison de Medicis & de l'erection du Duché de Toscane.

Vi n'entendra l'histoire de Florence, les diuers changements qui ont troublé ceste Republicque, ne sçaura recognoistre, quelle a esté la splendeur & la fortune de ceste famille en son commencement. Mais comme des choses passées auant l'année mille & vn cent, l'histoire n'en rapporte que des tenebres, aussi n'en faut-il rechercher l'origine plus auant, le temps, en uieux

uieux des plus memorables actios, en ayant

emporté la memoire.

C'est chose toutes sois tres-certaine que Florence rebastie par Charlemaigne, deux cens cinquante ans apres que les Ostrogots l'eurent ruïnée, demeura soubs les loix de l'Empire tant que les Empereurs d'Occident furent aux plus beaux iours de leur prosperité, se gouvernans par Consuls, assistez d'vn Conseil composé des plus nobles familles, come sont encores aujourd'huy les villes qui s'appellet Imperiales, & soubs ceste forme de gouvernements la maison de Medicis avoit desia de l'authorité au maniement des affaires.

Depuis que ceste sameuse faction des Guelphes & des Gibelins eut diuisé l'Italie, & la plus part des Princes de l'Europe, en deux contraires partis, ceste ville ne pouuant, ny demeurer entre la liberté & la seruitude, ny se tenir neutre, pour les disserentes humeurs de ses Citoyens & les grands desseins de ses voisins, vit en moins de rien les ruïnes & de son repos & de sa liberté, car d'unie qu'elle estoit, elle se diuisa en deux factions.

Et come il ne faut qu'vne petite bluette de seu, pour faire vn grand embratement, vn petit trou pour faire abismer vn vaisseau, & vne petite querelle pour exciter grand trouble:le meurtre d'vn seul Gentilhomme des Bondelmons enuiron l'an 1215. tué par les Amidey, irritez de ce qu'il auoit laissé vne fille de leur maison, qu'il auoit fiancé pour en espouser vne autre, sut la premiere ouuerture par laquelle les civiles fureurs entrerent en la Republicque. Ces deux factions pour se vanger plus aysément l'vne de l'autre, & faire passer leurs passions particulieres soubs les pretextes de la guerre publicque eschauffée entre les Guelphes & les Gibelins, prindrent diuers party, les Bondelmons suivirent les Papes & se firent Guelphes, les Amidey se rangerent du costé de l'Empereur & furent Gibelins.

La Republique n'auoit encore sentices estranges conuulsions qui affoiblirent ses nerfs,

nerfs, & les nouueautez n'auoient que bien peu alteré le temperament de ses humeurs, car l'ancien ordre de son Gouvernement subsistoit encores souz l'authorité des Cosuls & Seigneurs qui estoient diuisez aux six quartiers de la ville, pour veiller aux affaires publics. Ceux de la maison de Medicis continuoient en ces honneurs:mais depuis que l'Empereur Frideric I I. eut passé en Italie auec vne grande armée de Gibellins, ses partisans se ietterent d'vn plain saut sur le commandement de la ville, pour se rendre maistres & despoüiller les Guelphes de force & d'authorité. Il est vray que come iamais la corruption n'est si grande en vn Estat, ny la maladie si vniuerselle au corps, qu'il n'y ait toussours quelque partie noble, saine & entiere, plusieurs familles & entre autres celle de Medicis se trouuerent à la fin esloignées de ceste contagion, plaines de bosang & de vigueur, pour releuer la chaleur naturelle, purger les mauuaises humeurs & réplir le corps de bon sang.

de ne treuuer repos qu'autrouble : les Gibellins aduertis que Conrad auoit dressé vne belle armée pour succeder aux desseins de Manfred, aux droits de son Pere & courrir les Guelphes en Italie, partent promptement de la main, prennent l'occasion par les cheueux, & branlent pour se raer sur leurs ennemis. Les plus sasches sont des Arates, & les plus froids bruilent d'ardenr de venir aux mains. Leur remuement feruit de trompette & de tocsin aux Guelphes, qui craignant d'estre preuenus irent approcher Charles d'Anjou pres de la valle,& donnerent tellement l'espouuare aux Gibellins qu'ils les sortirent de la ville sans estre pressez, ny attendre le son de la Martinelle, craignans, que pis ne leur aduint.

Le Pape Clement quatrielme donna le tiltre de Vicaire de l'Empire en la Toscane à Charles d'Anjou. Nicolas troissesseme de la maison des Vrsins, craignant que l'Italie ne se repentit d'auoir tant aduacé la grandeur d'un Prince estranger, luy brouilla sa fortune, & sit souz main qu'il quitta le gou-

uernement de Florence au Cardinal Latin Euesque d'Ostie, lequel reünit & reconcilia les Guelphes & les Gibellins en vne mesme conspiration pour la paix de leur ville.

Les Gibellins qui auoient plusieurs grads mouuements pour se desser de la reconciliatio de leurs ennemis, & qui craignoient de se hazarder sur ces eaues dormantes de vieilles inimitiez, demanderent des ostages choisis des principales familles Guelphes pour la seureté de l'observation du traicté, lequel entre autres choses portoit qu'il y auroit quatorze Gouverneurs, sept Guelphes & sept Gibellins, esleuz neantmoins tous les ans à la deuotion du Pape. Ceux qui estoient demeurez pour neutres parmy ces diuisions, & auoient faict ceder leur prudence à ce qu'ils ne pouuoient vaincre, voyans les affaires de Frideric second en mauuais estat, trauaillerent à la reunion de leurs citoyens, rappellerent les abiens, assoupirent les desfiances, & estousserent toutes les semences des vieilles ininutiez.

# L'entrée

En ceste concorde ils prindrent & demantelerent Volterre, contraignirent Pistoye, Arrezzo & Sienne de se liguer auec eux. La bonace ne dura que dix ans, & ne sut qu'vn presage de la grande tormente qui s'esleua tost apres, car comme les Gibellins virent que Mansred sils bastard de Frideric decedé l'an 1259. s'estoit saisi de Naples, & pris les armes contre les Guelphes, luy donnerent entrée en leur ville, comme protecteur, qui depuis s'en sit Seigneur, & laissa le gouuernement au Comte Iordan, lequel se retirant à Naples pour le service de son maistre, laissa pour lieutenant le Comte Gui Nouello.

Le Pape Vrban IIII. voyant l'auantage que les Gibellins auoient pris sur luy par la conqueste de Florence, ne trouua plus prompt expedient que d'appeller Charles d'Anjou, frere de Loïs Roy de France, lequel entrant en Italie gaigna vne bataille contre le Comte Beneuent, le 6. de Feurier 1265. en la campagne de Beneuent. Le bonheur de ceste victoire remit le courage aux Guel

Guelphes de Florence auec lequel ils chasserent les Gibellins & le Comte. Tost apres le peuple content de voir sa liberté restituée, & ceux qui la vouloient opprimer chassez, rappella tous les citoyens de l'vn & de l'autre party, reiinit toute la ville en vn mesme consentement, dese maintenir libres, & ne fauoriser le Pape ny l'Empereur au proindice de la valle partition.

reur au prejudice de leur liberté.

Martin natif de Tours amateur de la gradeur de la Coronne de France arriuant à la chaire de Rome, en l'année 1281 rendit à Charles d'Anjou l'authorité que son predecesseur luy auoit retranché sur la Toscane. Violente occasion, de nouuelles persecutions sur les Gibellins, qui furent essoignez des charges publiques, & les Magistrats au lieu de douze reduits à trois, puis à six & à neuf, en sin à douze: ils suret nommez Prieurs pour ne commander que deux mois.

Les Gibellins cependant cedoient aux Guelphes qui lors auoient le vent en poupe, parce que Charles d'Anjou auoit defaict en bataille rangée Conradin luy auoit faict trancher la teste, & auec luy exterminé la maison de Suaube, laquelle auoit tenu l'Empire cet quinze ans, & le Royaume de Naple septante six. Mais apres les Vespres Sicilienes l'an 1282 la maison d'Arragon s'estant emparée des Royaumes de Naple & de Sicile, la ville de Floréce commença d'ouurir les yeux, & de se retirer de ses fatales diuisions, lesquelles la faisoient la fable de ses voisins, & l'eussent endu en fin la proye de ses ennemis.

Sur ce nasquit ceste fatale querelle des Blancs & des Noirs, qui s'est renduë memorable à la posterité par le meurtre d'vn grand nombre de citoyens, & par l'embrasement de dixsept cens maisons qui rendit Florence tellement affoiblie, que ne sçachat plus où se tourner, elle se rédit à Charles de Valois, qui d'vne sieure intermittéte en sit vne continuë, & ne pouuant autre chose, se retira en Sicile & de là en France.

L'Empereur Henry entra en Italie pour releuer les Gibellins abbatus & de cœur &

de moyens, assiegea Florence, mit en ban

les Guelphes.

Les Florentins recoururent à la protection du Roy de Naples, qui leur donna pour gouuerneur le Duc d'Adria, lequel ils chasserent, & puis, comme ceux qui ont la fieure & qui pour changer de lict ne changent d'accez, ils appellerent Lando Dagobio, & apres luy le Comte Guy Bontifoli. La perte qu'ils firent contre Castruccio de Lucques causa qu'ils retournerent mandier secours à Charles Duc de Calabre, lequel enuoya premieremet le Duc d'Athenes, puis y vint en personne l'an 1326.

D'autre costé les exilez de Florence attirerent Louis de Bauiere Empereur en Italie: cependant le Duc d'Athenes auoit acquis tant de creance parmy le peuple, qu'il ne luy restoit que le nom de Prince, auquel

tous ses deportemens le menoient.

Il n'auoit autre loy que sa volonté, ny autre volonté que son ambition, laquelle il faisoit conduire en triomphe à trauers les loix & libertez de la republique. Dieu qui

donne

donne les Principautez, dispose les cœurs des peuples à l'obeissance, les Tyrans n'essans obeis que par force, ne sont iamais asseurez en leur authorité. Il en fait pour la punition des peuples, comme les Rois & Princes des Esparuiers, ils les nourrissent parmy leurs delices, & puis les iettent à la voyrie. Le Duc d'Athenes pensant estre au plus haut de ses esperances en sust precipité & chassé de la ville.

Ceux de la maison de Medicis furent les premiers qui le contraignirent à demeurer dans les termes de protecteur & d'amy, non de maistre ou d'vsurpateur & qui le despouillerent de ceste violente au-

thorité, dont il se pensoit maintenir.

La chose publique estoit estrangement dissormée & les gens de bien attendoient quelque reformation, quand Syluestre sils d'Alemano de Medicis, monta en la dignité de Gonfalonnier: mais les moyens de reformer l'Estat dependoient de l'authorité de tant de iugements, & d'vn subjet si vague & inconstant, qu'il n'y en eut qu'vne extreme

extreme confusion d'opinions. Syluestre recogneut bien que son siecle n'estoit pas capable d'vne bride si courte & si reglée, que la licence auoit pris trop d'accroissement, qu'il y auoit du peril à remuer les choses passées, & neantmoins pour ne laisser le mal sans remede, il sit voir qu'il ne desiroit rendre sa charge autremét remarquable, que par vne generale resormation

des desordres passez.

Ceux qui craignoiét que leurs actions ne fussent recherchées, leurs complices punis, sous sous leurent le peuple à la mutinerie. Ils aymoint mieux suiure le desordre que de le commencer, aussi sont les hommes plus prompts à voir qu'à mouuoir la sedition. Ils cornent à l'oreille des plus turbulents, que les Grands auoient nouveaux desseins à la ruïne des petits. A ce cris comme esclaues qui quittent la rame au signal du Comite, tous les artisans sont en armes, s'emparent du Palais, mettet le seu aux maisons. Vn Cardeur de laine des plus seditieux prit l'enseigne du Gonfalonnier, & sur l'appuy

de quatre petits artisans, establit sa souueraineté à la discretion de la plus vile partic du peuple, de sorte que les talons commanderent à la teste.

Ceste deplorable confusion qui auoit essacé toutes les beautez de ceste republique, dura depuis l'année 1378, iusques à l'année 1381, que les nobles familles indignées de se voir mastinées par la plus abjecte populace, reueillerent leur vertu pour se remettre en leur premiere splendeur & l'Essaten l'ancienne Police.

Viery de Medicis appaisa ceste division, rendit au Senat son authorité, & au peuple sa franchise. Machiauel apres tous ceux qui ont escrit l'histoire de Florence, dit qu'il auoit telle reputation, que s'il eust eu plus d'ambition que de prud'hômie, il pouvoit sans difficulté s'emparer de la puissance souveraine de la republique.

Elle estoit lors agitée au dedans, par les diuisions des citoyens, & au dehors par les efforts & les armes des Viscotes de Milan qui tenoient la campagne Iean de Me-

dicis

dicis eut assez de prudéce, pour secourir sa patrie en l'yne & l'autre occasion. La guerre estrangere auoit cousté en peu de temps trois millions six cens ducars au thresor public, les particuliers en estoient du tout appauuris. Il ne refusa de secourir les necessitez publiques de l'espargne de ses grandes richesses: & preferant la Iustice commune à son propre interest, fit passer en forme de Loy, Que la contribution des fraiz de la guerre teroit commune, & que les grands y entreroient comme les petits pour leur part. Cela le fit appeller le Dieu tutelaire de la patrie, & deslors le peuple n'approuuat commandement que le sien.

Il est mal-aysé de tenir sa veuë subjecte & contrainte deuant ses pas, quand on a tout autour de soy des objects dignes pour la destourner. Iean de Medicis voy oit toute l'authorité du Senat coulée entre ses mains, tous ses amis le conseilloient de s'en saiss, puis que sans dispute elle s'offroit à luy, il n'y voulut entendre, protestant que il ne destroit autre authorité en la Repuil

blique, que celle que la Loy luy pouuoit

permettre.

Cosme son fils continua les maximes de son pere, & se rendit comme luy le recteur & le directeur de tous les affaires. Il auoit vne façon populaire & vn cœur de Prince, ces richesses ne luy seruoient que pour faire triompher ses vertus: il estoit vestu en citoyen & viuoit en Roy. Sa maison estoit le refuge des pauures, l'autel des affligez, le temple de Iustice, & la retraicte des plus beaux esprits d'Italie. Cosme estoit tout en Florence, & sans luy Florence n'estoit rien. Les Grands jaloux de la creance & de l'authorité qu'il auoit parmy le peuple, commencerent à veiller & espier ses actions, & comme les cantharides de l'enuie s'attachent tousiours aux plus belles fleurs de la vertu, firent croire au peuple qu'il auoit entrepris sur la liberté de la ville pour s'en rendre maistre, & que sa liberalité & sa pieté, n'estoient que la couverture de son ambition.

Il ny a rien de si dangereux en jvn estat paisi paisible que l'accroissement de la fortune & de l'authorité des personnes priuées. Ceste faueur populaire ressemble aux riuieres lesquelles coulent doucement comme venant de petites sources, si on les laisse croistre les petits ruisseaux s'y rendent & les ensient en telle sorte qu'on ne les peut plus gueer ny arrester. Mais il est mal-aisé d'abatre ce que le ciel veut esseur, & de couper la racine à vn arbre qui rejette tousjours. La grace, la magnificence, la publique bien-vueillance de Cosme est sufpecte aux grands. On se resoult d'aller au deuant.

Bernard de Gadagne lors Gonfalonnier, pour le mois de Septébre & d'Octobre de l'année 1433. le manda au palais par l'aduis du Senat, le sit mettre prisonnier. Le troisiesme d'Octobre, estant relegué à Venise, il supporta cet exil aussi constamment que Metellus, aussi alegrement que Rutilius. Il ne laissa rien à Floréce de ce qui luy estoit propre, car ses vertus l'accompagnerent par tout. Il s'esjouissoit ayat tant de temps

flotté aux ondes de mourir au port. Ceste absence luy mit en main de grands moyes de faire voir les belles qualitez de son esprit & de sa fortune. La Seigneurie de Venise le receut auec honneur, entendit plusieurs fois au Conseil, ses graues & sages aduis, les plus grands d'Italie luy offrirent & secours & assistance contre l'ingratirude de sa parrie, laquelle ne peut long temps souffrir l'eclypse de ce Soleil: & ne cessa qu'au bout de l'an, il ne fut rappellé & remis en ses premiers honneurs. Elle luy donna à son retour d'vn consentement general le tiltre de pere de la patrie, & voulut qu'il fult graué sur son tombeau. Cest luy qui ierra les premiers fondemens de la souueraineté de sa maison en la Republique de Florence, par des voyes iustes & legitimes, & ausquelles on recognoit des visibles tesmoignages de la prouidence de Dieu, pour recompenser le zele, la pieté, la Iustice & la Religion de ceste maison. Ceux qui aspirent aux souuerains commandemens, doiuent cosiderer que la montée est si hau-

te, si droite, & si mal escarpée, que plusieurs se precepitent auant que d'estre au dessus, s'ils ne sont soustenus d'ailleurs. Il n'y a ny meilleur, ny plus affeuré soustien que celuy de la vertu, qui dispose les cœurs des peuples à prester l'espaule. Pource les Florentins admirás en Cosme tant de royales vertus, & le recognoissant estre né pour aller deuant, le suyuiret volontiers, estimans que soubs sa conduite la paix, ny la fortune de la Republique ne se pouuoit esgarer, ny perdre. Pource quand quelque grand esloigné de ceste authorité s'opposoit à celle des Seigneurs de Medicis, & souleuoit la ville en des reuoltes & seditions, ils remonstroient toussours qu'en cela la Republique estoit plus offencée que leur maison, laquelle n'auoit autre pouuoir que celuy que le Senat luy auoit donné. Les authoritez vsurpées sont odieuses, non celles que la vertu donne pour recompence du merite & du seruice faict à la chose publique. Iamais Seigneur de ceste maison ne monta aux premieres charges par force: Cofme

#### L'entrée

Cosme ne voulut retourner de son exil par la force des armes, comme il eut peu; & ne reuint que lors que le Senat le r'appella. La Republique est vn Soleil, on se doit cotenter de la lumiere qu'elle donne par ses raïons, qui voudra y arrester ses yeux pour l'auoir plus grande y perdra la veuë. En effect Cosme sust vn veritable Patron que nature choisit, pour faire voir à son siecle iusques à quoy la costance, la moderation & la fermeté de l'homme pouvoit arriver.

Pierre de Medicis son fils ne perdit rien de la creance & du rang qu'il luy auoit laissé en la Republique, mais Laurens de Medicis son fils y apportat vn grand aduancement: car se voyant chery du peuple, honoré & asseuré de l'amitié des Ducs de Milan, parla bien plus haut. La Seigneurie permettoit l'accroissement de ceste authorité, ou pour ne l'irriter à entreprendre dauantage, ou parce qu'elle recognoissoit bien le peril qu'il y a & le danger ou l'on met vn Estat, quand on essoigne les familles nourries & esseuées en la conduite des affaires.

affaires, pour en introduire d'autres.

Quelques Seigneurs de la maison des Pazzy, Saluiaty, & Bandiny impatiens de la tranquillité de l'Estat & de la forme du Gouvernement, se resoulurent d'en abbattre les deux plus fortes colomnes, Laurent & Iulian de Medicis, & entreprindrent de les tuer en l'Eglife de S. Reparée, lors qu'ils entendroient la Messe. De l'Eglise qui est l'asyle des parricides, & où tout meurtre est execrable ils font vn brigandage.L'esleuation de l'hostie fut donnée pour le signal de l'execution. François de l'azzy voulant sçauoir si Iulien estoit armé, le touchat, & luy dit qu'il auoit pris de l'embonpoint en sa maladie, & le trouuat desarmé luy plongea vn poignard au droit du cœur, auec Bernard Bandini.

Iean Baptiste de Monte Seccho estoit la pour tuer Laurent, mais soit qu'ayant parlé à luy auant la Messe, & recognu tant de douceur & de vertu en ce Seigneur, qu'il jugea le salut public dependre de sa vie, ou qu'il fust retenu de la crainte de celuy, en la puissance & tuteile duquelsont les Estats & ceux qui les gounement, il laissa sauver Laurens en la factute. Le peuple y accourt Laurens est conduit en son palais, toute la ville en arme, n'a en la bouche, ny au cœur que le nom de Medicis, les conjurateurs sont pris, & sans autre forme de proces estranglez & pendus aux fenestres, ceux la seulement surent sauvez ausquels Laurens pardonna, & qu'il tira de la surent du peuple.

Les Pazzy, Bandiny & Saluiaty chassez de Florence pour ce meurtre, suppliement le Pape Sixte quatriesme ennemy de la maison de Medicis, & le Roy Ferdinand l'Arragon de les prendre en leur protection.

Alphonse Duc de Calabre sut general des sorces que le Pape & Ferdinand d'Arragon leurs donnerent, declarant que ceste guerre ne se fassoit contre les Florentins, mais contre la maison de Medicis, & qu'il n'y auoit autre moyen d'auoir la paix qu'en exauthorant Laurens de Medicis. Contre tous leurs essorts Laurens accompagné de

sa prudence, & d'vn grand courage, conserua son authorité entiere, & tira de ses ennemis vne paix honorable à l'accroissement de sa reputation. Il assembla les plus apparens de la ville, & apres leur auoir representé que l'enuie de ses ennemis offençoit plus la republique que sa maison, il declara que puis-que le Pape & le Roy d'Arragon disoient n'auoir leué les armes que contre eux, il ne vouloit estre si mal affectionné au salut public que de le postposer à celuy de sa famille, que pource il ne refuseroit iamais d'esteindre ce feu & finir la guerre par son propre sang, comme elle auoit commeçé par celuy de son frere.

Apres la mort de Laurens, ceste faueur du peuple tourna le dos à la maison de Medicis, quand Charles huistiesme passa à Naples. Pierre de Medicis fils de Laurens recognoissant bien que les Florentins ne pouuoient de viue force empescher son passage, luy allat au deuant: & pour sauuer le tout des sureurs de la guerre, luy remit

quelques pieces de Toscane, & entre autres

Pyse & Lybourne.

Ceste capitulation le rendit si odieux au Senat & au peuple, que par ordonnance publique luy & Iean son frere, furent declarez ennemis de la patrie, leurs testes prisées, leurs maisons pillées, & ces riches meubles recueillis par tant de soing & tant d'années, des plus rares endroits du monde vendus à la discretion du peuple. Le Roy Charles passant à Florence logeat au Palais de Medicis, Madame Alfonsiné femme de Pierre de Medicis, luy representat la ruïne de son mary, de son enfant, de sa maison & suppliat sa Majesté pour son retour. Le Roy gaigna cela sur le Senat que Pierre de Medicis retourneroit en sa maison & en ses biens, mais s'estant retiré à Venise il fut oublié aussi tost que le Roy eut quitté Florence pour aller à Rome. Il demeura dix ans en ceste peine, employant ores la protection du Pape Alexandre Borgia qui le trompat, ores celle de l'Empereur, qui ne luy seruit de rien.

Il n'eut à la fin refuge plus asseuré que l'armée du Roy Charles viij. en laquelle il s'employa valeureusement contre Ferdinand Roy d'Arragon, & mourut en son seruice. Sa maison fust tousiours en tormente iusques à la promotion & Pontificat du Pape Iules, lequel fauorisa & assista les Medicis aussi constamment que le Pape Sixte quatriesme en auoit desiré & recherché opiniastremet la ruïne. Il honnora Iean de Medicis Cardinal, de la legation de Bolongne, fit assigner vne iournée à Mantouë pour aduiser aux affaires de la guerre. Il y enuoya son Legat. D. Raymond de Cardone, Vis-Roy de Naples s'y trouua, & les Ambassadeurs de l'Empereur, des Venitiens & des Suisses. La principale resolution de l'assemblée & la mieux executée, fust pour remettre la famille de Medicis aux biens & honneurs qu'ils tenoient à Florence.Le Pape pressat cela en telle sorte, que ce fust la premiere expedition où le Vis-Roy de Naple employa les armes de tous les confederez. Il assiegea & emporta de viue force la ville de Prato, où furent tuez plus de deux mil hommes de la part des Florentins, & plusieurs prins: dequoy espouuantée la ville, diuisée en elle mesme, & la maison de Medicis y ayant encores de grands amis, & de puissantes intelligéces, receut Iulian de Medicis, lequel y sist son entrée en Prince, tous les ordres de la ville luy allant au deuant, & luy donnant le nom de Seigneur, que par modestie il resusat.

Mais comme les Florentins veirent que l'Empereur Charles V. auoit pris Rome, & que le Pape estoit prisonnier au chasteau S. Ange, ils chasserent Alexandre & Hippolite de Medicis, esfacerent & arracherent de tous endroits de la ville leurs armoiries, rompirent les statuës de Leon & de Clement. Depuis le Pape s'accordant auec l'Empereur, par l'armée duquel Florence sut assiegée & contrainte de receuoir ceste loy du vainqueur, Qu'Alexandre de Medicis espousat Marguerite d'Austriche, seroit Duc & Prince de Florence, & apres luy

luy ses enfans hoirs, & ayans cause.

Alexandre fut tué par Laurens son cousin, Cosme de Medicis ieune Prince, & en l'aage de vingt à vingt-deux ans luy succeda, & asseura par sa prudence & valeur l'estat. De trois Republiques, Florence, Pise, Sienne, au milieu & meilleur païs de l'Italie, il en sit vne Duché, où sa posterité

regne heureusement.

Ainsi ces Princes sont montez par ces degrez au plus haut de l'Empire de Toscane par les aisles de leur propre vertu. Ce n'a pas esté vn simple esfect de Fortune. On y recognoist des visibles remarques de la prouidence de Dieu. Aussi les puissances souueraines ne sont point establies & affermies par conseils humains, elles viennent de sa main, laquelle suscite quand il luy plaist, des familles selon son cœur, leur donne le courage & l'addresse à bien commander, & rend les volontez souples & faciles pour leur obeïr.

L'estoc de ceste maison se peut bien prédre plus haut que Iean pere de Cosme &

#### L'entrée

de Laurens: car il est parlé en l'histoire de Florence & de Syluestre, Viero, Auerard, Allemanno, & auant tout cela, de Vannes, & de Manno, qui furent employez aux premieres charges, lors que Louis d'Anjon secourut les Florentins contre Ladislas Roy de Hongrie, il y a pres de trois cens ans. L'autheur toutes sois pour n'auoir peu tirer des tenebres de l'histoire la droicte ligne plus haut que Iean de Medicis, il l'a faict icy le tronc de l'arbre.



JEAN DE MEDICIS

chef des deux branches de la maison

de Medicis.

A fortune luy donna des richesses plus qu'à nul autre d'Italie, & sa vertu tant d'admiratio, que ses ennemis mesmes l'estimerent plus grade que l'authorité qu'il auoit en la Republique, & sa reputation moindre que son merite. Il sut l'Esculape de

de Florece ayant relié & recollé par sa prudence les membres diuisez & rompus de la republique, & serui de barriere contre la violence des grands qui vouloient accabler les petits. Machiauel dict, qu'il ne paruint iamais aux charges & estats qu'il a exercez par brigues, n'alloit au palais sans y estre appellé, que mourant il appella Cosme & Laurens les enfans, & leur dit, que ce qui le rédoit en ce passage plus allegre, estoit l'integrité de sa conscience, n'ayant memoire d'auoir faict tort à personne, ains assisté de ses moyens tous ses citoyens: les exhorta de ne prendre aucune authorité en l'estat, que celle que d'vn commun cosentement leur seroit accordée, & se souuenir de ceux qui voulans faire autrement, auoient ruiné la ville & destruit leur maison. Parmy tant de tépestes & de naufrages, il tint tousiours le timon du vaisseau droict, & se rendit inuulnerable à toutes calomnies. Quelques vns tiennent que les grandes richesses de ceste maison sont prouenuës en partie de la prinse de Constantinople.

# L'entrée

L'inscription,

IOAN. MED. CVLTV CIVI, AVTORIT. ET REGIIS VIRTVT. PRINCIPI AVITAE LIBERT ATIS PAVCORVM CONSPIRATIONE ET SCELERE OPPRESSÆ LIBERATORI.



PREMIERE BRANCHE de la maison de Medicis.

# E. COSME DE MEDICIS.

L faut vn siecle tout entier pour produire vn grand personnage en sa profession. C'est merueille quad on en trouue vn parfaict en moinsde téps. Le quatorziesme siecle de l'aage du mode, depuis la red mption sit naistre Cosme le plus grand homme & la plus grande ame de Toscane, Di cui la patria sua si chiamò siglia. Il n'y en eust point en Florence qui portast plus haut le pris d'vne excellente reputa

reputation. Il auoit des qualitez de Prince, l'entendement grand, la prudence admirable, le discours prompt & graue, les mœurs & façons de faire genereuses, charitable enuers les pauures, officieux aux affligez, liberal aux Hospitaux, magnifique aux bastimens: Il fit bastir les Temples de S. Marc, S. Laurens, S. Verdiana à Florence. Il embellit la ville d'vn superbe Palais, en bastit quatre aux champs. Il sit edisier vn Hospital en Hierusalem pour les Pelerins, fit venir Argyropulus pour enseigner les lettres Grecques à la ieunesse de Floréce, donna à Marsile Ficin vne terre pres de sa maison de Careggio, pour plus librement & commodémet vacquer à ses estudes. En ceste liberalité il passa tous les Seigneurs de la ville, égalla les Princes d'Italie, s'ouurit la barriere à vne incomparable reputation. Souz le nom de Pere de la Patrie qui luy fut donné par leSenat, il exerça vne puissance absoluë en la Republique, & eut le pouuoir de Prince, bien qu'il en refusa le nom. Il nasquit l'an 1389. le iour S. Cosme

& S. Damian: mourut au septantiesme an de son aage, l'an 1459. commanda en la Republique trente & vn an, laissa deux fils, Iean le chef de la brache des grands Ducs & Pierre la posterité duquel est finie par la mort de la Royne Catherine.

L'inscription,

Cosmo Med. Etrvsci Imp. Fvndatori Patri Patriae.

#### II.

## PIERRE DE MEDICIS.

L trouua apres la mort du grand Cofme son pere qu'indisseremment toutes les samilles de Florence auoient esté se couruës de ses moyens. Ses propres vertus, la memoire de celles de son Pere luy donnerent les mesmes honeurs qui auoiet accompagné à la sepulture ses predecesseurs. Il tenoit train de Prince. Ses ennemis ne pouuans souffrir vne si grande lumiere conspirerent de l'estaindre. La coniuration de le tuer reuenant de sa maison de

Carreggio, sembloit d'autant plus facile que ses longues maladies le priuoient de toute desence. Il en sut aduerty, & destournant son chemin destourna le coup. Aussi tost qu'il sut à la ville les conspirateurs surent par commandement du Senat chassez de la ville. Il sut aimé des bons, craint des meschans, & loué de tous. Les grandes richesses ne luy coseruerent tant de volotez, que sa propre vertu luy en acquit, estimant que tant que la vertu luy donneroit des amis, il n'auoit que faire de les emprunter de la fortune.

L'inscription,

PETRO MEDICI DOMI OMNIVM ORDINVM CONCORDIA CLARIS. FOR RIS PRINCIP. AMICITIA POTENTIS. PATRIÆ ORNAM. CONSPIC.

#### III.

### LAVRENS DE MEDICIS.

VRANT l'indisposition de Pierre de Medicis son Pere il eut toute la conduite des affaires de la Republique de Florence, & s'en rendit si capable qu'à vingt ans ses conseils furent escoutez & approuuez par les plus sages & experimentez. Il se plaisoit aux liures de Platon, que Marsile Ficin auoit traduis pour son vsage, & disoit qu'il estoit impossible sans cela de se rendre ny grand Politique ny bon Chrestien. Il veit sa reputation en la fleur de son aage esleuée & esparse par tout. Le Roy Louis XI. sit estat de son amitié, luy offrit secours contre Ferdinand Roy d'Aragon, & luy enuoya à cest effect des forces sous la conduite de Monsieur d'Argenton. Le Soudan d'Egypte luy enuoya de grands presens pour gaigner son amitié. Mathias Roy de Hongrie recourut à sa prudence aux affaires plus deplorez du Royaume. Bajazeth luy remit entre les mains Bernard Bandini, qui apres l'assassinat de Iulian son frere, s'estoit retiré en Asie. Le Pape Innocent VIII. faisoit tel estat de son amitié, que pour la noüer d'vn neud plus estroit, il demanda sa fille Magdalene

lene pour François de Cibo son fils. Il n'oublia rien que les iniures, ne se souuenant de ses ennemis que pour leur faire du bien. Ainsi les arbres ne laissent de produire des fruicts, & donner l'ombrage à ceux qui les ont chargez & battus. Il espousa Madame Clarice des Orsins, & eut d'elle trois fils & quatre filles. Il mourut en l'aage de 44. ans, laissa la vertu en estime, le peuple en liberté, la noblesse en honneur, & la ville abondante de tout bien. L'Empereur Ferdinand ayant nouuelle de sa mort, dict qu'il auoit assez vescu pour luy, & trop peu pour l'Italie. Il n'estoit né qu'aux choses grandes, sa prudence aux grandes entreprinses, sa constance en toutes les sciences tant practiques que speculatiues, sa religion & pieté, sa splendeur & toutes ses actions, son courage contre l'enuie des siens, & les conspirations des ennemis luy donna par toute l'Europe vne reputation égale à ses merites. Les hommes de lettres faisoient de sa maison ce que faisoient autre-fois les faillits des colom-

nes & des statuës des Princes. Il enuoya lean Lascaris Constatinopolitain, pour recueillir des plus fameuses Bibliotheques de l'Asie & de la Grece les meilleurs liures, pour enrichir la librairie que son ayeul auoit commencé. Il en raporta des liures non seulement rares, mais vniques, & qui ne se peuuet trouuer ailleurs qu'en ce thresor, lequel a esté amplement enrichy par les Papes Leon & Clement VII. Nicolas Valori gentilhomme Florentin a faict vn liure entier de sa vie.

## L'inscription,

LAVRENTIO MEDIC. ELATI ANIMI ET IMPAVIDÆ CONSTANT. PRINC. PVB. TRANQ. AVTORI, LITERARVM PATRONO.

## IIII. LEON, X.

Nnocent VIII. luy donna le chapeau de Cardinal à treize ans, à trente huit il fust

il fust faict Pape. Il voulut estre coronné le vnziéme Auril pour esfacer la memoire du malheur de la bataille de Rauenne auenuë à tel iour l'année precedente, & monta le mesme cheual blanc sur lequel il sut faict prisonnier. La ville despuis le sac des Goths n'auoit veu iournée plus celebre en pompe, liberalité, ny magnificence, que celle de son coronnement, & tout le peuple se promettoit vn siecle d'or souz son Pontificat. Pource aux Arcs qui furent dressez au chasteau S. Ange on mit ces vers pour la disserence des regnes de ses predecesseurs & du sien.

OLIM HABVIT CYPRIS SVA TEMPO-RA, MAVORS,

OLIM HABVIT, SVA NVNC TEMPO-RA PALLAS HABET.

Il deschargea le peuple des Gabelles du sel, & le Senat en recompence de ce bien faict, luy dressa vne statuë au Capitole auec ceste inscription, Optimi LIBERALISSIMMOVE PONTIFICIS MEMORIA.

5. P. Q. R.

Ayant descouuert vne conspiration de quelques Cardinaux sur sa personne, il leur osta le chapeau, & pour remplir le Consistoire de nouuelles & considentes creatures, sit trente Cardinaux. Il disoit souuent que son pere luy auoit appris trois choses qui apportoiet tousiours au Prince, qui en vsoit, de l'asseurance & de la prosperité aux assaires. Suiure le conseil des Sages, n'oublier les amis absens, ne mespriser aucun aduis où il va du salut du Prince ou de l'essat. Il arresta les Concordats de l'Eglise Gallicane auec le Roy Fraçois Là Bologne.

Il procura le mariage de madame Phileberte de Sauoye, sœur de Louyse de Sauoye, mere du Roy François I. auec Iulien son frere, sit la celebration des nopces auec vne telle pompe, que la despence venoit à cent cinquante mil escus. Apres la mort de Iulian tans enfans, il enuoya Laurens son neueu à Florence pour y commander, & le sit Duc d'Vrbin. Il mourut de poison le quarante-septiesme de son aage, & de son siege le VIII.

L'inscri

L'inscription,

LEONI X. PONT. OPT. MAX.

#### VI.

## PIERRE DE MEDICIS.

Es vertus furent contraintes ceder à la fortune, qui le fit demeurer dix ans hors de sa maison & de sa patrie tant obligée à ses merites & à ses seruices. Estat hors de Florence le Roy Charles VIII. luy manda d'y reuenir, l'asseurant qu'il auoit assez de pouvoir pour le mettre en seureté au milieu de ses ennemis. Philippe Comte de Bresse frere du Duc de Sauoye luy escrit le mesme. Les Venitiens craignas que son retour à Florence n'apportast de l'aduancement au seruice du Roy, luy conseillerent, plus pour la consideration de leur interest que de son bien, de ne bouger de Venise, & attendre vne autre occasion de releuer les ruines de sa fortune & de sa maison. L'armée du Roy par son moyé fit de grads

progrez en Italie. Il fut cause que Florence se meit souz sa puissance, luy donna les villes de Pise & de Liuorne pour les tenir tant que la guerre de Naples dureroit, & luy sournit six vingt mille escus pour ceste expedition. Aussi le Roy en ceste capitulation voulut que Pierre de Medicis eust main-leuée de tous ses biens & l'asseurance de rêtrer en la ville apres la guerre de Naples, mais il se noya au Gariglian voulant sauuer l'artillerie du Roy à Gayette, l'an 1503.

## L'inscription,

PETRO MEDICARO IMPER. CLARIS. CAROLO VIII. FRANCORVM ET NEAPOLIS REGI CHARIS. IMMATURA MORTE AD LYRIM INTEREMPTO.

#### VII.

#### IVLIAN DE MEDICIS.

L remeit le nom de Medicis en sa premiere splendeur à Florence, où il fut

fut receu, salué, & honoré come seigneur, & Soderin qui pensoit rendre la dictature perpetuelle & le Gonfalon hereditaire en sa maison, chassé & despouillé de toute authorité. Entrant à Rome en l'an 1513. le Senat luy dressa vn triomphe au Capitole celebré par les plus beaux esprits de son siecle. Le Pape Leon X. son frere le fit chef & lieurenant general des forces de l'Eglise en Italie. Il le maria auec madame Phileberte de Sauoye, sœur de Louyse mere du Roy François premier, la fit conduire de Nice à Rome, & delà apres la mort de Iulian en France. Vne fieure l'emporta au milieu de ses contentemens, & des grands desseins qu'il auoit sur Milan. D'vne dame veufue de la ville d'Vrbin il eut Hippolyte de Medicis, Cardinal & Legat en Hongrie vers l'Empereur.

L'inscription,

IVLIANO MED. DVCI NEMORSIO SENAT. FLORENT. PRINCIPI, PON-TIFICII EXERCITYS PER ITALIAM IMPERATORI.

#### VIII.

#### IVLIAN DE MEDICIS.

de son naturel, sa magnificence & sa liberalité luy acquirent la bien-vueillance que le peuple de Florence luy tesmoigna en sa vie & apres sa mort. On l'appelloit en ses premiers ans le Prince de la ieunesse de Florence. Ange Politian qui fust son precepteur, a escrit l'histoire de sa mort, & fait vn excellent Poëme sur les tornois qu'il sit à Florence à la veuë de toute la Noblesse d'Italie. Sa semme accouchavn mois apres son assassinat, d'vn fils qui sust nommé Iules & despuis Clement VII. Celuy dont le Pere auoit esté massacré en l'Eglise, sust esseué à la souveraine dignité de l'Eglise.

## L'inscription,

IVL. MED. PRINCIPI OPTIMO GENEROSISS. FOEDA CONIVRATIONE INTER SACRA, ANTE ARAS, SYPERIS SPECTANTIBVS, CIVIT. LVG. IM MANITER CAESO.

CLE

#### IX.

#### CLEMENT VII.

L succeda au Pape Adrian succes-seur de Leon X. & esprouua en son Pontificat ce que peut la fortune sur les plus hautes dignitez du monde. Il veid la ville de Rome assiegée, prise & pillée.Il se retira au chasteau S. Ange auec quelques Cardinaux pressé de telle necessité, que toutes les delices furent conuerties à ne manger que bien sobrement de la chair des mulets. Pource craignant d'auoir pis, il se rendit, & promit de payer quatre cens mille escus pour les frais de la guerre. Il se veid en telle peine pour faire ceste somme, qu'il sut cotraint de sondre les vases sacrez restez du sac:& cela ne suffisant, mettre au plus offrat des chapeaux de Cardinal. Il disoit qu'il falloit toussours auoir deux grandes puissances pour amies, que c'estoit vne trop grande seruitude de n'en auoir qu'vne: & pource il allia sa maison à celle d'Au

d'Austriche par le mariage du Duc Alexadre auec la fille de l'Empereur, & à celle de France par le mariage de Madame Catherine sa nièpce auec Henry Duc d'Orleans qui succeda au Roy François I. son pere.

L'inscription,

CLEMENTI VII. PONT. OPT. MAX.

X.

## LAVRENS DE Medicis.

L fut general des armees & des forces de Florence. Le Pape Leon dixiesme le sit Duc d'Vrbin. On dict de luy qu'assiegeant Mondolphe aux terres qu'on nome du Vicariat, il vit mettre le seu à vne piece braquée au deuant de luy, la preuoyance ou la fortune le sauorisa si heureusemet, qu'en se courbant, le coup qui sans doute luy eust donné en l'estomac, ne luy friza que le dessus de la teste.

Il espousa Madame Magdelaine de Bologne mere de Catherine de Medicis, issuë des Roys de Portugal par le mariage du Roy Alphonse, & de Madame Mathilde fille aisnée de Regnaud Comte de Dampmartin, & de madame Ide Comtesse de Bologne.

## L'inscription,

LAVRENTIO MEDICI IVNIORI VR-BINI DVCI, SVMMAE RERVM ETRV. PRAEFECTO, CATHARINAE REGINAE CHRISTIANISS. PARENTI.

## ALEXANDRE de Medicis.

Dvys Duc d'Vrbin le donna à madame Alphocine pour le faire nourrir come le fruict secret de ses amours. Le Pape Leon voyant que la branche de sa maison finissoit en Catherine de Medicis fille de son neueu, & recognoissant en luy de la generosité & du courage, le destina

aux armes, & Hippolyte aussi donné de son frere Iulian à l'Eglise. Clement VII. le fit Duc de Florence par les armes, & l'alliance de l'Empereur Charles V. Il portoit pour embleme vnRinocerot, auec ce mot, Non buleuo sin vencer, pour monstrer que comme cest animal ne retourne iamais du cobat contre l'Elephant, qu'il ne l'ait vaincu & terrassé, il ne vouloit tourner en arrieresans victoire. Laurens de Medicis son cousin le tua, & se sauua à Venise. Ainsi à mesme iour en diuerses années ceste premiere branche de la maison de Medicis est finie. Alexandre fut tué le 6. Ianuier, 1536. Catherine de Medicis mourut à pareil iour de l'année, 1589.

L'inscription,

ALEXANDRO PRIMO ETRVRIAE DOMITIS LONGA OBSIDIONE FLORENTINIS DVCI.

Laurens

Ĭ.

## LAVRENS DE MEDICIS chef de la seconde Branche de la maison de Medicis.

L meritoit de viure en vn siecle plus heureux, en vn estat plus paisible. Florece ressembloit aux corps cacochimes qui pour sains & vigoureux qu'ils paroissent, ont tousiours quelque venin aux parties les plus saines. Le peuple sans cesse auoit de la mutinerie, le Senat de la diuision, les grands de l'enuie. La maison de Medicis estant comme au iour naissant des felicitez que sa vertu luy promettoit,se voyoit contrainte de battre & abattre ces Hydres. Laurens de Medicis fils puisné de Iean estant enuoyé vers Philippe Duc de Milan pour la guerre entreprise par les Florentins contre les Lucquois, apres auoir rendu des preuues bien grandes de sa prudence & fidelité, fust recognu de la recom-

pence ordinaire dont les communautez recompésent leurs Dions, leurs Phocions. Les peuples iugent tout par l'apparence, & perdent encor plustost l'opinion d'vn homme qu'ils ne l'ont conceuë. Le Duc de Milan secourust les Lucquois, Laurens de Medicis ne l'en peut dissuader, on reietta sur luy la cause de ce secours, & sust blasmé d'auoir conseillé ce qu'il ne pouuoit empescher. Cela luy retrancha l'authorité qu'il auoit au gouuernement des affaires, luy excita de grandes enuies, desquelles la mort l'affranchit, & qui en fin deschargerent leur fureur sur Cosme son frere, qui ne s'en esmeut non plus qu'vn rocher des vagues de la mer, & rendit son Ostracisme aussi glorieux à sa fortune, que celuy de Nicias & d'Alcibiades.

## Son inscription,

LAVRENTIO MEDICI MAGNI ET MAGNIFICI COSMI GERMANO FRATRI, INTER EXACTAE VIRTVIIS IMPERATORES NVMERANDO.

Iean

#### II.

## JEAN DE MEDICIS.

E grand Cosme son Oncle l'auoit rendu capable par la communication de ses experiences & sages conseils, de mettre la main au gouuernail de la Republique, quand la mort ialouse de ses esperances l'arrachat des bras de sa patrie, dont Cosme en eust tel regret que se faisant promener sur l'extremité de ses iours en l'vne de ses maisons, & considerant que toute sa famille estoit reduite à vne teste, dit en souspirant, Ceste maison est trop spacieuse pour famille si petite. Il le maria à Catherine Sforze fille de Galeas Duc de Milan, & petite fille du grand François Sforze, laquelle aportat à la maison de Medicis de grandes & riches possessions entre la Romagne & la mer Adriatique. Il ne consideroit en ceste alliance que le bien de sa patrie, ayant eu pour maxime hereditaire, que de la bonne intelligéce des Florentins, auec le Duc de Milan, dependoit le repos de l'Italie, comme de leur diuision il n'en falloit attendre que la ruïne & desolation, remonstrant souuent au Senat qu'on ne deuoit rien espargner pour, conseruer l'estat
de Mila à la maison des Sforzes, parce que
tombant entre les mains d'vn Prince estrager ou des Venitiens, il doneroit vn tel accroissement de puissance qu'elle suffiroit
pour y adiouster tous les estats de ses voisins. De madame Catherine de Milan il
eut vn posthume bisayeul de la Royne.

L'inscription,

IOANNI MEDICI, STRENVÆ FOR-TITVDINIS HEROI, OMNIVM CON-SENSV IMPERII CAPACI, TOGATIS ET CASTRENSIBVS CONSIL. CELE-BERRIMO.

#### III.

## JEAN DE MEDICIS.

L ne ceda ny en courage ny en valeur aux plus grads d'Italie:il redressa la discipline militaire de Florence, meit sur pied les Cheualiers de la bande noire, qui ont tenu long temps les premiers rangs en la milice Italienne. Il se sit iour auec son espée à trauers les bataillons des Suisses & Grisons deuant Bergame. Il repoussa les Espagnols des portes de Milan. On l'appelloit le foudre de la guerre, si braue & courageux que la mort ne l'osat attaquer qu'à coup de bale, car poursuiuant l'armée de l'Empereur qui alloit assieger Rome, il sustitué d'un coup de canon. Iul. Ioue a fait ses vers de luy.

Principis Etrusci genitor fortisimus heros, Qui noua belligeri gloria Martis eras, Barbara gens vidit quatum pollebat in armis Vistua, qua semper terror in hoste fuit. At te equidem constat percussum fulmine, fato Italia potius quam cecidisse tuo. Attamen es sælix Italûm fortissime ductor, Non quia perpetuos det tibi sama dies.

Sed postquă imperiu tibi quod virtute parabas Magnanima proli fata dedêre tua.

Paul

Paul Ioue dit qu'il estoit né pour affranchir l'Italie du ioug des estrangers, s'il eust vescu. Quad la serenissime Princesse Christine de Lorraine, maintenant grande Duchesse de Toscane, sist son entrée en Florence, on mit ces deux vers soubs la statue de ce Prince.

MILITIAE DISCIPLINAM QUAE LAP-SA IACEBAT

RESTITUI, INQUE ARMIS FULMI-NIS INSTAR ERAM.

## L'inscription,

IOAN. MEDIC. DVCI FORTISSIMO
ITALICAE LIBERTATIS R H AE T IS
IN BERGOMATE AGRO, HELVETIIS
AD CORSVM PAGYM, HISPANIS AD
TICINIET MEDIOLANI PORTAS,
GERMANIS AD PADI AGGERES CAESIS AVT FVSIS ASSERTORI MAX.

COSME

#### IIII.

#### COSME DE MEDICIS.

premier Duc de Florence, Cosme luy succeda, & monstra vn grand traict de iugement & de Iustice en vne si soudaine occasion, car ores qu'il sceut que le coup de Laurens de Medicis auoit ouuert la porte de sa grandeur & de sa fortune, il ne s'opposa pourtant à la publique vengeace que la loy demandoit contre ceste violence. Aussi doit tousiours vn Prince reuerer la memoire de celuy auquel il succede, & Cesar s'empeschast bien d'abbattre les statuës de Pompee, que les siennes ne sussent esseuées & asseuées.

Colme fut Prince par toutes les voyes qui peuuent conduire au souuerain commandement. Il succeda par la loy de la succession & capitulation de Florence de l'année 1530. Il sut esseu par le Senat. Il cóquit la ville ayant monstré en vne prom-

pte & soudaine leuée de gens de guerre, ce qu'il pouuoit, quand ilen faudroit venir aux armes. Les moyens de paruenir aux regnes sont diuers, la façon de regner est tousiours semblable. Les esleuz, les conquerans & les successeurs au commencement, commadent d'vne égale puissance, & pensent auoir droict sur leurs subjects come s'ils estoient nez pieds & poings liez fouz leur domination. Cosme n'estoit pas comme cela adoucissant sa puissance de tant de moderation qu'il ne voulut iamais monstrer tout ce qu'il pouvoit, tenant les volontez de ses subjects comme suspenduës entre la liberté & la servitude. Il s'establit auec tant de prudence que les Florentins font gloire du joug qu'il leur a imposé, comme les braues courtaux se iouënt du mords lequel ils mordoient au commencement. Il accreut son estat de Pise & de Sienne. Le Pape Pie V. le declairat grand Duc de Toscane, & le coronna solemnellement à Rome le 28. Feurier, 1570. La coronne estoit d'or, embellie de riches pierreries reries de la valeur de cet a vingt mil escus, en laquelle estoient entaillées ces paroles. Pius V. Pont. Max. ob eximiam dilectionem ac Catholica religionis zelum , pracipuumque iustitie studium donauit. Le sceptre d'argent auec vne fleur de lys de Florence sur vne boule, qui tenoit au soubassement vne esmeraude de grande & riche valeur, & à chacune cime & pointe de la fleur vn rubis. Il institua l'ordre des cheualiers de sainct Estienne pour brider les courses des Pirates, s'en declaira le grand Maistre & en prit l'habit. Il obtint en faueur de c'est ordre de grands privileges du Pape, & entre autres, que les Cheualliers pourroient tenir iusques à deux cens escus de pension sur les biens de l'Eglise, la liberté de se marier, n'estans obligez à autre chose pour auoir les Commanderies qu'à trois ans de seruice sur les galeres du Duc. Cosme mourut le 21. Auril 1574. Il eust de madame Heleonor de Tolede fille du Vis-Roy de Naples François, Ferdinand, Pierre, Garsias, Isabelle, Leonor.

L'inscription de Cosme,

Cosmo Med. Flor. Principi II. Totivs Etrvriæ Pis. et Senarvm Archidyci.

#### V.

## FRANCOIS DE MEDIcis grand Duc de Florence.

L entra en ses estats paisibles, & les conserua en la mesme traquillité que son pere les luy auoit laissé. Le Pape Gregoire x 111. luy confirma le tiltre de grand Duc de Toscane, l'Empereur Maximilian luy en donna le consentement. Il espousa madame Ieane d'Austriche fille de l'Empereur Ferdinand, mere de Marie Royne de France & de Nauarre, & de Leonor Duchesse de Mantouë.

## L'inscription,

FRANCISCO MED. FLORENT. ET SENARVM MAGNO DVCI.

FER

VI.

## FERDINAND DE Medicis grand Duc de Toscane.

A prudence maintient ses Estats en paix, & la paix luy done des moyens de les accroistre: il se contente toutessois de les conseruer, encores qu'il ait des voysins qu'il peut dompter sans coup frapper. Il est loué par tout pour Prince de parole & d'vne Iustice inuincible. Il a espouzé madame Christine, fille de Charles Duc de Lorraine, & de madame Claude de France, fille du Roy Henry second.

## L'inscription,

OPTIMO PRINCIPI FERDINAN-DO MAGNO ETRVRIÆ DVCI, PIO FEL.

## LEG DOUZE DEVICES

# LES DOVZE DEVISES fur les douZe Niches du Berceau.

I.

VIRGINEI LAVS PRIMA PVDORIS.

Ne fleur de lys enuironnée d'Abeilles. Il ny a rien qui represente plus purement la Chasteté que les Abeilles.

Quòd nec concubitu indulget, nec corpora segnes In Venerem soluunt, aut sætus nixibus edunt, Verum ipsæ solius natos & suauibus herbis Ore legunt. Elles haïssent les puanteurs & insections & les suyent, ne molestent point ceux qui sont parsumez de bonnes odeurs. Faut veoir Plut. au 29. Precepte de Mariage.

II.

PAR CYRA SALVTIS VTRIQUE.

N E fleur de France my-partie auec celle de Florence, deux Pyramides,&

VII

vn œil à la pointe, à la façon du sceptre des Egyptiens, pour mostrer l'egale & parfaite harmonie d'vn vray amour. Comme les yeux n'ont qu'vne mesme visson, & l'vn ne void que ce que l'autre void, la mesine concorde doit estre au mariage. La Pyramide n'est pas icy inutile pour representer la veuë. Chasque œil à sa Pyramide visible, & les deux Pyramides n'ont qu'vn object, car les nerfs qui sont ordonnez à la veuë s'vnissent, autrement on verroit deux Soleils comme Penthée. La dispute est grande, si la veuë se faict par le dardement des rayons de l'œil, lou par la reception des images qui se presentet & se rendent à l'œil. Platon & Alkindus n'en sont pas d'accord. Il est vray que l'œil selon les humeurs & les tuniques dont il est coposé, regarde par vne Pyramide de rayons, laquelle ayant pour baze la chose veuë, darde sa pointe en l'œil du voyant Pyramidalement: car tant plus la base s'esloigne de l'œil, plus sa pointes'aguise & s'estrecit.

## L'entrée III.

#### BAZIAETETA A'IEI'.

NE fleur de Lys my-partie, coronmée d'vne double coronne auec deux Sceptres. Ce mot Grec est vn vœu pour l'immortelle durée du regne des deux royales fleurs, & est prins du 24 de l'Odissée.

#### IIII.

#### HIS SECURA QUIES.

NE fleur de Lys my-partie auec deux ancres. Pour monstrer que de ceste alliance, la France doit esperer vn repos aussi ferme & asseuré qu'est celuy d'vn vaisseau à double ancre. Ces ancres peu-uent encor faire souvenir de celles que Cosme de Medicis portoit en sa deuise auec ce mot D v A B V S.

#### V.

#### ΠΙΣΤΩ ΕΝΕΔΗ ΣΑΤΟ ΔΕΣΜΩ.

N E fleur de Lys my-partie & enlassée d'vn Lierre à lacs d'amour, tenu d'vne main main de fidelité, Par tout le Lierre est pris pour vne liaison ferme, estroite, & inseparable. Cela se rencontre en tous les Poëtes.

#### VI.

#### FRYCTYS SPES CERTA FYTYRI.

N E fleur de Lys my-partie auec deux bouquets d'espics. Il est raisonnable d'attendre le fruist quand on void la fleur.

#### VII.

#### ΛΕΥΚΗ Α'ΜΦΙ ΓΑΛΗΝΗ.

NE fleur de Lys my-partie souz l'Iris. On ne doit esperer de ceste alliance qu'vne grande & generale tranquillité & serenité. La Royne mere Catherine de Medicis estant encores fille portoit l'Iris pour deuise, Φως φεωι ή δε γαλήνην, Apporte lumiere & trăquillité. Estant Royne elle ne la chargea point, on en veid les admirables esfects quand apres des longues tenebres de regrets & de fascheries pour sa sterilité,

Dieu luy monstra la lumiere & la serenité de ses desirs par la naissance de Madame Elizabeth, sa premiere fille.

#### VIII.

SVBLIMIOR AETHERE VERTEX.

V rameaux de Cedre, qui ont leur pointe cachée aux nuées, car les Cedres de Syrie & principalemét au mont de Libã sont treshauts. Marque de la grandeur de l'eternité & exaltation de ceste maison.

#### IX

ΠΥΡΣΟΈ Ε'ΡΩΤΟΣ Α'ΓΑΛΜΑ.

V Flambeaux cojoints par les mesches. Ainsi Musée appelle Λύχνον ἐρωδος ἀγαλμα. Il est vray que le Flabeau est vne vraye image de l'amour, & n'y a rien qui monstre plus l'egalité des affectios que deux Flambeaux biuslans d'egale flame. Voyez Philostrate & Plutarque des Flambeaux allumez aux nopces des anciens.

Mrs

#### X.

#### MISCENTUR IN VNYM.

NE fleur de Lys my-partie, deux branches de Laurier & de Myrthe jointes & vnies ensemble. Parfaite alliance d'amour & de vertu, ou de valeur & de beauté. Ainsi Virgile,

Fors of virtus miscentur in vnum.

#### XI.

#### NEC IMBRE NEC AESTV.

N E fleur de Lys my-partie, vn Soleil luisant à plomb sur elle, & vne bourrasque de pluye. Ceste fleur demeurera toussours viue.

#### XII.

#### AMAT HOS VICTORIA FLORES.

NE fleur de Lys my-partie, deux Palmes. Les fleurs du Lys n'ont iamais esté sans Palmes. La victoire a posé ses aisses pour demeurer en France.

A l'autre face du fond de ce berceau en

Q 2

vne pierre d'attente sur le rond de l'arcade estoit escrit,

IL CIEL TI RENDE ALMA BEATRICE, DI VINCITORI ALMA VINCITRICE.

## ALLIANCES DE LA maison de Medicis.

SIC FORTIS ETRVRIA CREVIT.

Les Princes.

Ierre de Medicis.

Lucretia Tornabuoui.

Laurens de Medicis.
Alphonsine des Vrsins.

Iulien de Medicis.
Phileberte de Sauoye.

Iean Francisque de Medicis. Catherine Sforze.

Iean de Medicis. Marie Saluiati.

Pierre de Medicis.
Clarice des Vrsins.

Lau

Laurens de Medicis. Magdelaine de Bologne.

Alexandre de Medicis. Marguerite d'Austriche.

Cosme de Medicis. Leonor de Tolede.

François de Medicis. Ieanne d'Austriche.

Ferdinand de Medicis.
Christine de Lorraine.

Les Princesses.

Guill. de Pazzi.
Blanche de Medicis.

François de Cibo. Magdelaine de Medicis.

Pierre Rodulphe.

Lucresse de Medicis.

Paul Iordan Duc de Branciano. Isabelle de Medicis.

Q 3

Alphonce II. Duc de Ferrare. Leonor de Medicis.

Guillaume de Gonzague Duc de Matouë. Leonor de Medicis.

Henry II. Roy de France. Catherine de Medicis.

Henry IIII. Roy de France & de Nauarre. Marie de Medicis.

# LE SECOND PORTAL du Pont.

fur le frontispice, au dessous vn tableau des Amours occupez à divers exercices, à l'imitation de celuy de Philostrate où les Amours cueilloient les pommes, ou de celuy qu'Ætion sit pour les nopces de Roxane, auquel les Amours se ioüoient des armes d'Alexandre pour denoter l'affection & le soing assidu de ce Prince au fait de la guerre & des armes:puis que tout par melme moyé il fust si espris de l'amour de Roxane, & ne laissa pour cela l'exercice des armes, ny l'ordre necessaire en la conduite de son armée.

De ceste troupe d'Amours representez en nostre tableau, il y en a deux qui bruslent l'essieu d'vn carrosse. C'est vne ceremonie des espousailles des Beotiens, comme dit Plutarque pour monstrer que le

mariage est vn voyage sans retour.

D'autres qui amassent des tizons, les mettent ensemble pour en rendre vn feu plus violent, par la raison que Theophraste raporte au liure du feu, & apres luy Iul. Cesar Scaliger. Le parfait amour rassemble en vn toutes ses flammes pour en rendre vne affection plus ardente au sujet par merite & par obligation aymable.

D'autres amours qui versent de l'huile en vne lampe. Vn erernel amour ne se peut mieux representer. La lampe est dediée à l'Amour. Il y a deuant l'Eglise Cathedrale de Preneste en Italie vn marbre qui rapor-

teen

te en lettres antiques que M. Popilius donna Fortuna Primigenia signum Liberi Patris Panthei, cum suis Paregeis Cupidines

II. cum suis Lychnuchis.

Au Pritanée des Atheniens il y auoit vne lampe inextinguible, & le prouerbe το λύχνιον ἐν σορυΤανείω, se dit d'une chose sans fin. Il doit estre du mariage comme de la lampe qui estoit au Temple de Iuppiter Ammon, elle ne s'esteignoit iamais, se consumoit moins d'année en année, & la suyuante estoit tousiours de plus courte durée que la precedente Plut. des Oracles qui, & c.

D'autres qui battent des branches de Lauriers & de Lierre pour en faire jaillir du feu. Le vray amour ne s'allume pas d'vn feu commun, & les plus pures flames sont celles qui viennent de la vertu & de la costace, representées par le Laurier & le Lierre. Il est certain qu'en froyant ces deux branches l'vne cotre l'autre, le seu en sort.

Plin. liur. 16. chap. 41.

Deux autres Amours peschas des Canthares & des Mulges. Ce sont poissons qui

font

font leçon de temperace & de fidelité aux hommes, selon ce qu'en dit Elian, Aristote, Oppian, & apres eux Rondelet. Du Bartas oppose le Canthare au Sargon, & compare la fidelité des Muges aux semmes de Thrace.

L'adultere Sargon ne change seulement

De femme chasque iour sous l'ondeux Element:

Ains, comme si le miel des voluptez des ondes

Ne pouvoient assouris ses amours vagabondes,

Les cheures il courtise, & sur les bords herbus

Veut gouster les plaisirs qu'ont leurs maris barbus.

Contraire au naturel de l'enfumé Canthare,

Qui du devoir Nocier tant soit peu ne s'esgare,

Ainsois sidelle espoux, passe ses chastes iours

Sans faire banqueroute aux premieres amours.

Mais la Muge n'a point en amitié d'esgale: Car voyant que, captif on traine au bord son masle, Forcenée de dueil, le suit iusques au bord, Preste d'accompagner son mary, vif, & mort. Tout ainsi que iadis les Thraciennes dames, Viues, s'alloient ietter sous les funestes lames De leurs blesmes espoux, loyalles, ne pouuans, Leurs maris estant morts, humer plus l'air viuans.

Tout cela est exactement & subtilement taillé, comme plusieurs autres belles & ra-

res histoires des eaux au bassin que monsieur de Vic sit voir au Roy quelques iours auant que sa Majesté luy eust commandé de partir pour aller remplir l'Ambassade de Suisse.

D'autres qui amassent des roses rouges, & du coral rouge. Ce sont les premiers ingrediés du parsum de Venus. On y adjoussoit du musc, de l'ambre gris, & d'aloes, le tout consit auec des ceruelles de passereaux, & du sang de pigeons. Hermes vouloit qu'on y meit encore du saffran, car c'est l'aromate dedié à Venus chasque Planete ayant le sien. Saturne, la coste: Iupiter, la noix muscade: Mars le bois d'aloés: le Soleil, le mastic: Mercure, la cynamome: la Lune, la myrrhe.

Souz ce tableau estoit escrit,

ÆTERNOS HABEAT PRIMVS QVI IVNXIT AMORES.

Au milieu de la frize en vne pierre d'attente on lisoit ces quatre vers,

Tousiours

Tousiours le ciel recompense Ceux qui de ses dons sont vestus, Pource il vous faict Royne de France: Comme la Royne des vertus.

Aux deux extremitez de la frize deux deuises. La premiere d'vne estoille flamboyante, pour monstrer que la Royne ayant tousiours porté ses pensées & ses intentions à la vertu, en a receu ceste royale coronne. La vertu ne trompe iamais qui la suit & se sie en elle, & quoy qu'en die Brutus,

NVNQVAM SPECTATA FEFELLIT.

La seconde du Phenix ouurant ses aisses & leuant ses yeux au Soleil par la lumiere duquel il vit & void.

MOI ZΩ'EI KAI' OPA ΦA'OZ.

Il n'y a qu'vn Soleil, il n'y a qu'vn Dieul Il n'y a qu'vn Phenix, il n'y a qu'vne Royne de France. Comme le Phenix ores qu'il soit vnique, ne void & n'est veu que par le Soleil. Vne Princesse pour grande & vnique

qu'elle soit, n'a lumiere que celle qu'elle reçoit de ceste premiere sumiere que les Egypties ont representé, & les Peres adoré souz le Soleil, qui est comme dit Trimegiste, Περί πάν Γων η δια πάν Γων. Et à vray dire, s'il y a quelque chose de visible au monde qui puisse representer quoy que de loing l'inuincible essence de Dieu c'est le Soleil, Phanal du Ciel, lumiere de toutes choses, cause & autheur de tout ce qui se produit quelque part que ce soit, qui d'vne course infatigable voit tous les iours tout le monde. Les Sages Brachmanes des Indes luy faisoient tous les iours oraison, laquelle ils finissoient en ceste sorte. Regarde nous en ceste iournée d'vn œil benin & gracieux, & par l'excellente beauté qui se monstre en toy, esseue nous le cœur & l'entendement à la contemplation de ceste autre plus grande qui ne se peut comprendre que par la seule plus profonde & deuote pensée.

Au reuers du Portal en lettre d'or &

fond d'azur.

de la Royne.

67

HENRICUS BORBONIUS, MARIA MEDICAEA,

HINC BENE EDVCIS AMOR IVBAR AMORIS.

Anagramme des noms du Roy & de la Royne. Ceste Fleur est d'vn autre sond. Le Sieur de S. Iouaire l'ayant trouué, la donna à l'autheur, auec pouuoir de s'en attribuer le triomphe & le éuppine. Il ne l'a pas faict. Il est permis cacher la soiblesse de ses inuentions souz le credit d'autruy, mais c'est mauuaise conscience d'en dissimuler l'obligation & desrober la gloire. Ceux qui s'emplument des labeurs d'autruy, courent la honte & la risée d'estre desplumez. En voicy encores vn autre de la mesme main.

IADIS NOMBRE NOMBRE CHERY DE DIEV.

## LES NOPCES DE HERCV-LES ET DE HEBE.

Vne des plus belles pieces de c'est appareil demeurat en son crayon, & ne passa le dessein de l'autheur à faute de temps. Ce deuoit estre vn grand spectacle d'vne platte peinture pour couurir toute l'estenduë des maisons deuers le corps de garde du change. On y eust representé les champs Elisées, & au milieu vn grand pauillon, & souz iceluy la feste & le festin des nopces de Hercules & de Hebe, en la presence des Dieux honnorans le mariage, & servans les mariez.

Le Soleil eust fait l'estat de grand maisstre, on eust choisi Diane auec les Nymphes pour porter la viade, on eust mis Bacchus & Ceres au busset, Minerue à la credance, les Graces à la serviette & au bassin, Apollon eust chanté l'Epithalame auec les Muses, Venus eust conduit les espousez au liet, les amours eussent porté les torches, les flambeaux & les aubespins, Mars eust dancé la dance Pyrrichienne, Mercure eust fait l'Arlequin, les Lares, les Pans & les Faunes les autres parties de la Comedie. On y cust adjousté toute la fable d'Epicharmus. La veuë eust treuué en ce tableau du plai-

fir,&

sir, & l'entendement de la curiosité. Et bien qu'en ces fables poëtiques il y ait comme aux escreuisses plus à esplucher qu'à manger, si est ce que la piece cust esté iugée aussi grade en inuention qu'en sujet, quand mesme les beaux esprits eussent raporté au Roy ce que Homere, Hesiode & Pindare ont dit de Hercules, lequel apres auoir paracheué ses laborieuses entreprises sust marié à Hebe Deesse de ieunesse, & qui garde les Dieux immortels de vieillir. Cela se sust rendu plus intelligible par l'Epithalame escrit au dessouz & par ces vers.

Alcides Gallus cuius ceruice manúque Firmior orbis erit moles, Dis proximus heros Illatas postquam reparauit ab hoste ruinas Imperij, quatiens iras septemplicis hydra Excipitur Diua charis amplexibus Hebes, Connubisque sides imis manet ima medullis.

On peut appeller le Roy Hercul, ses victoires, ses labeurs, son courage monstrent qu'il ny à rien de dissemblable, sinon que ce qui se dit d'Hercules est sabuleux, & la

## L'entrée

reputation de sa Majesté n'est pas si grande que la verité des essects. Souz son portraict l'autheur à faict imprimer ce quatrain.

Apres que ce grand Roy s'est fait voir tant de fois,

Aux yeux de l'oniners on Hercul inuincible, On le peut appeller le miracle des Rois, Car seul il a rendu possible l'impossible.



Vox que cest Arc parust beau, l'ordre riche & l'architecture bien elabourée, si estoit-il beaucoup moindre qu'o ne l'auoit desseigné. Il deuoit auoir quatre faces enrichies des armes & trophées des quatre races de l'extraction paternelle & maternelle de la Royne. Medicis & Tolede pour l'vne, Austriche & Hongrie pour l'autre.

François de Medicis son pere fut fils de Cosme grand Duc de Florence & de madame dame Leonor de Tolede, issue d'vne des premieres maisons d'Espagne qui a prins son nom de Tolede, ville du temps du regne des Gots, capitale de tout ce qui est enclos entre les deux mers & les Pyrenées, le siege des Roys qui surpassoient tous les autres Potentats Maures d'Espagne. Elle fut fille de Pierre de Tolede, Vice-Roy de Naple, sils de Frederic, Duc d'Albe, qui chassa les Maures de Grenade, sils de Garsias, Duc d'Albe, Pere de Garsias qui sut tué aux Gerbes.

Ieanne d'Austriche sa mere fut sille de Ferdinand l'Empereur, & de Madame Anne d'Hongrie. La grandeur de la maison d'Austriche a commencé par Rodolphe Comte de Habspourg, chasteau en Suisse au canton de Zurich. Il fut esseu Empereur & preferé à plusieurs autres au milieu des confusions & des seditions dont l'Allemagne & l'Italie estoit embrasée. Il fut coronné le premier d'Octobre, 1273, chassa Ottocarus Roy de Boeme des prouinces d'Austriche, de Sirie, & de Mora-

uie qu'il auoit vsurpées durant l'interregne des Empereurs, & l'anarchie de l'Em-

pire.

Apres la mort de Raoul quelques Esle-Eteurs desiroient continuer la dignité Imperiale en la personne d'Albert Duc d'Austriche son fils, mais Adolphe de Nassau fut preferé. Cela suscita vne grande guerre en laquelle l'Empereur Adolphe fut tué en bataille rangée de la main d'Albert, qui vsant du bon-heur de sa victoire & de la reputation de son pere, se fit, coronner Empereur. Son regne ne dura que dix ans. Iean de Suaube le tua, & pour peine de ce meurtre fut enfermé en prison perpetuelle au conuent des Cordeliers de Pise. Henry VII. Comte de Luxembourg y succeda,& la maison d'Austriche plus esloignée de l'Empire & esparse en plusieurs branches iusques à l'essection de Frideric III. qui r'allia tous les rameaux de l'arbre, associa à l'Empire Maximilian son fils & successeur, lequel espousa Marie fille de Charles Duc de Bourgogne, & d'elle eust Philippe Arche

Archeduc d'Austriche, mary de Ieanne fille & heritiere de Ferdinand Roy d'Arragon, & d'Isabelle Royne de Castille. De leur mariage nasquit Charles V. & Ferdinand. Cestui-cy espousa Anne fille du Roy Ladislas, sœur de Louys dernier Roy de Hongrie & de Boheme. D'elle il eut quinze enfans qui ont porté le sang d'Austriche par toute l'Europe, quatre fils Maximilian II. Empereur, Ferdinand, Iean, Charles: onze filles, Elizabeth mariée à Sigismond Roy de Pologne, Anne, Marie, Magdelaine, Catherine, Eleonor, Marguerite, Barbe, Vrsule, Helene, & Ieanne mariée à François de Medicis, le 18. Decemb. 1565.

Pour ces quatre faces, l'arc n'en eut que deux. Sur la premiere furent esleuées les armes de Florence auec les trois fleurs de Lys que ceste maison a eu cy deuant en don de

la coronne de France.

Sur le milieu de l'arc estoit vn grand tableau d'vne grande fleur de France & de Florence my-partie & liée ensemble par vn lien de Laurier & de Myrthe, noué dans

## L'entrée

le Ciel auec deux victoires, roulant deux globes souz l'ombrage & l'estenduë de ces fleurs. Et pour rendre la signification plus intelligible estoit escrit en la frize de l'arc.

Q V O S DEVS ÆTERNO CONIVNXIT

FRVCTIBVS IMPLEBUNT CEMINUM VICTORIBUS ORBEM.

A la droite de ce tableau paroissoit vne fleur de lys de Florence à trauers des nuages, pour monstrer que le temps ny la fortune n'ont peu faire flestrir sa gloire.

Ε'ΜΟ'Ν ΚΛΕΌΣ ΟΎΤΠΟΤ' Ο'ΛΕΊΤΑΙ.

A la gauche vn laurier estendu & composé en sleur de Florence, auec le soudre escarté tout autour. Le laurier n'est subject au soudre.

IN ME NON FYLMINAT AETHER.

Au deux costez de l'arcade entre deux termes feints de bronze, deux statuës, l'vne de la gloire, l'autre de la vertu.

Au dessus de la niche de çes deux figu-

res en deux pierres d'attentes deux deuises.

La premiere vn autel & deux cœurs enflammez dessus, auec ces deux mots qui se rencontrent souuent à la fin des vers d'Homere,

#### A'KA'MATON TIP.

Cela monstroit qu'vn amour royalement parfaict veut auoir des slammes esgales, & qui soient tousiours durables. Il peut estre pris pour le seu de la pieté qu'ine se doit iamais esteindre en vne belle ame. C'est le seu qui deuoit ardre incessamment sur l'autel en la vieille Loy.

La seconde, deux colombes auec vn rameau d'oliue sur vn autel. Pour vne con-

stance & immuable concorde.

# CONCORD. PERPES.

L'autre face de l'arc estoit embellie d'vn grand tableau auquel Minerue, Iuno, & Venus saluoient la Royne, & luy offroient la premiere son laurier, la seconde ses roses, la troissessme sa pomme, & au dessus ces vers,

### L'entrée

Mente Minerva, thoro Iv-NO, VENVS ORE, MARIA PRINCEPS VNA TRIBVS QVAE TRIA DANTVR HABET.

La voute qui estoit dediée pour vn enrichissement des alliances de la maison de Medecis, sut semée selon le temps de grosses rosaces, & de deux grands tableaux

remplis de deux agreables histoires.

Le premier representoit le Palais de Mugello, & tout autour vn hyuer, les arbres & les parterres couuerts de neige, sur laquelle neantmoins paroissoient des fleurs, comme fraischement escloses & espannies auec ces vers,

FLORIBVS ACRIS HYEMS FLOREM MIHI SPONDET ETRVSCVM.

Il est vray que le Duc Alexandre de Medicis fut tué par Laurens de Medicis son cousin, la veille des Roys, de l'année 1537. Cosme de Medicis retiré en son Palais de Mugello, estant lors de cest accident en son jardin, veid vne grande monstre de fleurs fleurs contre l'ordre du temps & de la saison. Cela luy fut vn augure asseuré de sa nouuelle Principauté sur la fleur des villes d'Italie. Trois iours apres & le neusiesme Ianuier, du commun consentement du Senat il eut le commandement absolu, sur recognu pour Prince, & Duc de Toscant.

Le second, du mesme Cosme, sur vn chariot triomphant, tiré par des Lyons en la sorte que Marc-Antoine entrat à Rome apres la bataille de Pharsale. Il vouloit motrer par là, comme dit Pline liu. 8. chap. 16. que les plus grands courages s'assujectiroient à ses volontez. Ce grand dessein demeura en la pensée de M. Antoine, mais Cosme l'executa, & donna le joug aux Lyons de Florence.

Ses autres Lyons qui s'entre-tuent, se peuuent prendre pour les sanglantes diuisions de Florence, ou pour le prodige qui aduint peu de iours auant la mort de Laurent de Medicis, lors que les petits Lyons tuerent le plus grad des Lyons nourris à Florence. Au bout du tableau est la Tortue portant

# L'entrée le voile. Deuise de Cosme.

### LA MVSIQVE.

On auoit dressé au passage de la Royne deux chœurs de voix & d'instruments. Elle se plait à la musique, aussi l'harmonie comme dit Pindare trouue tousiours lieu aux ames belles & bien nées, rendant les cœurs magnanimes, & les remplissant d'vn rauissemét d'esprit & d'vne ardeur de bien faire. Elle s'arresta pour ouir vne belle & douce voix qui chanta ces vers:

Clair Soleil, le Ciel vous enuoye
Pour rendre à la France le iour,
Et combler d'heur, de paix, de ioye
Le Roy, le Royaume & la Cour.
Royne des Roynes la merueille,
Royne d'Amour, amour du Roy,
Viuez d'vne vie pareille
A vostre amour & vostre Foy.
Faites par tout le Lys espandre,
Donnez au destin ceste Loy:
Qu'il ne pourra au Ciel vous rendre
Que ne soyez mere de Roy.

## LA STATVE DE la Felicité.

V deuant du logis de Monsieur le Gouverneur on avoit esleué sur vn Stilobate de la hauteur de dix pieds vne statuë d'estuc, sa robe toute semée de corônes, & la main esleuée au ciel, promettant toutes sortes de benedictions sur ce Mariage. Pource estoit escrit en l'vne des faces,

EN TIBI PROMITTIT DEA NVMI-NE PVLCHRIOR OMNI,

Non moritura tvi genialis gavdia lecti.

En l'autre face vne deuise d'vn Aigle, chargé de Fleurs de Lys qui trauersoit le Zodiaque.

OMNIS MIHI PERVIVS AER.

Euripide dict, que tout est penetrable à l'Aigle.

Α'πας ἀηρ ἀετώ περάσιμος.

Ainsi la fortune & la destinée de France passe par tout.

# LA STATVE DE la Constance.

La place du grand Palais estoit esseuée vne autre statuë d'estuc blanc, reuestuë d'vne peau de Lyon, qui est la propre parure de la vertu, vn cœur slambat en la main. Elle representoit l'eternelle & immuable constance de l'amour en ceste alliance. En l'vne des faces on lisoit,

Ceste sleur de beauté n'a que le Lys en l'ame Iamais d'autre desir son cœur n'est animé, Elle ne peut brusler d'one plus belle slame Le Roy d'on plus beau seu ne peut estre allumé.

En l'autre face vn amant tenant les Planettes enchainées pour assubjectir leurs influences aux prosperitez qu'il a ordonnées pour ce Mariage.

Cela est à l'imitation de la chaine d'or de Iupiter chez Homere, comme l'inuention est tirée de luy, aussi ceste inscription

luy est deuë.

TOI ZOE'NOZ OTK' E'HIEIKTO'N. L'ARC

## L'ARC DE PORTE-FROC.

vne haute Pyramide estoient les armes du Roy & de la Royne, & au dessouz ceste inscription.

INCLITAE VIRGINIE' MAGNIS ETRVRIAE DVCIB. ET ROMANIIMP. PRINCIP. GENITÆ REGES ET CAE-SARES GENITVRAE, P. L. E. P.

Es deux extremitez de la corniche deux deuises, la premiere d'vne Aigle regardant fixement le Soleil. La Royne estant sortie de l'Aigle de l'Empire comme petite fille de l'Empereur Ferdinand, a esté seule digne de ce Soleil Royal.

SOLA SVI FERT LYMINA SOLIS.

La seconde d'vn seu allumé par les rayons du Soleil à trauers vn cristal, auec ce mot.

Pyro meys ignis abigne.
Il y atrois sortes de feu, celuy dont nous

vsons, celuy qui est aux entrailles de la terre, celuy qui viet du ciel sans embrasemet. Le premier appartient à Vesta, le second à Vulcan, le troissesme à Pallas. Les ames vrayement royales ne s'eschaussent que de ce troissesme qui est vne lumiere toute claire & pure, telle que celle qui vient des rayons du Soleil par le moyen d'vn miroir concaue, ou d'vne siole remplie d'eau.

Sous la corniche deux statuës seintes de bronze, l'vne la Fecondité auec trois enfans autour d'elle, comme elle se void en quelques medailles, & vn Lieure qui a tousiours esté Hieroglysique de cela. Pource Herodote au troissesme liure de sa Thalie dit qu'il est seul entre tous les animaux lequel estant plein se sur-emplist encores. Aristote au sixiesme de l'histoire des animaux chap. 33. croit contre la commune experience, qu'il a nouueaux petits tous les mois.

L'autre la Felicité portant vne estoille au front, tenant d'vne main des coronnes & vne toison qui a toussours esté prise pour vne grande & heureuse fortune. Ciceron au 4. de la nature des Dieux rapporte ces vers de la tragedie d'Atrée.

Addo huc quod mihi portento cælestûm pater, Prodigium missit regnistabilimentum mei: Agnum inter pecudes aurea clarum coma.

Platon en son Politique parle du prodige de l'agneau d'or, mel' the proofe après on pussor, qui sit naistre ceste sameuse dispute entre Atree & Theyste: & Pausanias en ses Corinthiaques du tombeau de Thyeste, sur lequel estoit graué vn mouton d'or.

Entre les deux colonnes de l'arcade deux statuës d'estuc si blanc & si bien taillées, qu'on les eut pris pour marbre. L'vne portoit le nom de la Pieté ayant les yeux esseuz au Ciel, l'hydre des vices estoussé souz ces pieds, sa robe semée de stames à la façon que les anciens ont peint leur Vesta, & la teste coronnée d'estoilles.

L'autre representoit la Concorde, soustenuë d'yne anchre, marque de fermeté,

T 3

tenant en sa main vne branche de grenade, qui se peut prendre ou pour la concorde, à cause de ses grains si bien vnis & arrengez, ou pour la fecondité à raison dequoy le Grenadier estoit planté à l'hôneur de Iuno. Les rameaux de c'est arbre chassent les bestes venimeuses, & pour ceste cause les anciens en mettoient dessus dessous leurs lists.

Elle auoit souz les pieds vne Corneille, qui denote la concorde & la fidelité du mariage, pource que c'est oyseau comme la tourterelle ne se r'accouple iamais apres la mort de son masse.

En la voute deux palmes dont le pied remplissoit le bas de l'arcade & les bran-

ches la voute auec ce mot.

# NATIVO IVNGVNTVR AMORE.

Entre les choses vegetales, il ny en a point qui ait plus de conuenance auec la nature humaine que les Palmiers, (i'en excepte les Zoophites.) La femelle ne porte point de fruict essoignée du masse. Elle baisse baisse ses branches & se flestrit, en se tournant la part où aura porté son masse. Les habitans du païs craignans cela, prennent de la terre & de la racine du masse qu'ils mettent au pied de la semelle, laquelle par ce moyen se redresse & prend vigueur. Iouian Pontan parle de deux Palmiers lesquels demeurerent long temps steriles, iusques à ce que celuy qui estoit en vn lieu fust transplanté à la veuë de l'autre, & bien qu'il y eust entre deux vn grand espace, si est-ce que des lors qu'ils se furent veuz ils commencerent à fructisser. Voicy les vers.

Brundufii latis longe viret ardua terris Arbor Idumais vsque petita locis. Altera Hidruntinis in saltibus amula palma, Illa virum referens, hac muliebre decus.

Non Uno creuere solo, distantibus agris, Nulla loci facies nec socialis amor.

Permansit sine prole diu, sine fructibus arbor Vtráque frondosis & sine fruge comis.

At postquam patulos fuderunt brachia ramos Cepere, & solo liberiore frui,

Fron

### L'entrée

Mente Minerva, thoro Ivno, Venvs ore, Maria
Princeps vna tribvs ovae
tria dantvr habet.

La voute qui estoit dediée pour vn enrichissement des alliances de la maison de Medecis, sut semée selon le temps de grosses rosaces, & de deux grands tableaux remplis de deux grands bisseises

remplis de deux agreables histoires.

Le premier representoit le Palais de Mugello, & tout autour vn hyuer, les arbres & les parterres couuerts de neige, sur laquelle neantmoins paroissoient des fleurs, comme fraischement escloses & espannies auec ces vers,

FLORIBVS ACRIS HYEMS FLOREM MIHI SPONDET ETRVSCVM.

Il est vray que le Duc Alexandre de Medicis sur tué par Laurens de Medicis son cousin, la veille des Roys, de l'année 1537. Cosme de Medicis retiré en son Palais de Mugello, estant lors de cest accident en son jardin, veid vne grande monstre de sleurs

fleurs contre l'ordre du temps & de la saison. Cela luy fut vn augure asseuré de sa nouuelle Principauté sur la fleur des villes d'Italie. Trois iours apres & le neusiesme Ianuier, du commun consentement du Senat il eut le commandement absolu, sur recognu pour Prince, & Duc de Toscane.

Le second, du mesme Cosme, sur vn chariot triomphant, tiré par des Lyons en la sorte que Marc-Antoine entrat à Rome apres la bataille de Pharsale. Il vouloit motrer par là, comme dit Pline liu. 8. chap. 16. que les plus grands courages s'assujectiroient à ses volontez. Ce grand dessein demeura en la pensée de M. Antoine, mais Cosme l'executa, & donna le joug aux Lyons de Florence.

Ses autres Lyons qui s'entre-tuent, se peuuent prendre pour les sanglantes diuissons de Florence, ou pour le prodige qui aduint peu de iours auant la mort de Laurent de Medicis, lors que les petits Lyons tuerent le plus grad des Lyons nourris à Florence. Au bout du tableau est la Tortue portant

# L'entrée le voile. Deuise de Cosme.

## LA MVSIQVE.

On auoit dressé au passage de la Royne deux chœurs de voix & d'instruments. Elle se plait à la musique, aussi l'harmonie comme dit Pindare trouue tousiours lieu aux ames belles & bien nées, rendant les cœurs magnanimes, & les remplissant d'vn rauissemét d'esprit & d'vne ardeur de bien faire. Elle s'arresta pour ouïr vne belle & douce voix qui chanta ces vers:

Clair Soleil, le Ciel vous enuoye
Pour rendre à la France le iour,
Et combler d'heur, de paix, de ioye
Le Roy, le Royaume & la Cour.
Royne des Roynes la merueille,
Royne d'Amour, amour du Roy,
Viuez d'vne vie pareille
A vostre amour & vostre Foy.
Faites par tout le Lys espandre,
Donnez au destin ceste Loy:
Qu'il ne pourra au Ciel vous rendre
Que ne soyez mere de Roy.

## LA STATVE DE la Felicité.

Gouverneur on avoit esseué sur vn Stilobate de la hauteur de dix pieds vne statuë d'estuc, sa robe toute semée de corones, & la main esseuée au ciel, promettant toutes sortes de benedictions sur ce Mariage. Pource estoit escrit en l'vne des faces,

EN TIBI PROMITTIT DEA NVMI-NE PVLCHRIOR OMNI,

Non morityra tvi genialis gavdia lecti.

En l'autre face vne deuise d'vn Aigle, chargé de Fleurs de Lys qui trauersoit le Zodiaque.

OMNIS MIHI PERVIVS AER.

Euripide dict, que tout est penetrable à l'Aigle.

Α΄ πας απρ αετώ περάσιμος.

Ainsi la fortune & la destinée de France passe par tout.

# LA STATVE DE la Constance.

La place du grand Palais estoit esseuée vne autre statuë d'estuc blanc, reuestuë d'vne peau de Lyon, qui est la propre parure de la vertu, vn cœur slambat en la main. Elle representoit l'eternelle & immuable constance de l'amour en ceste alliance. En l'vne des faces on lisoit,

Ceste sleur de beauté n'a que le Lys en l'ame Iamais d'autre desir son cœur n'est animé, Elle ne peut brusler d'one plus belle slame Le Roy d'on plus beau seu ne peut estre allumé.

En l'autre face vn amant tenant les Planettes enchainées pour assubjectir leurs influences aux prosperitez qu'il a ordonnées pour ce Mariage.

Cela est à l'imitation de la chaine d'or de Iupiter chez Homere, comme l'inuention est tirée de luy, aussi ceste inscription luy est deuë.

TOI ZOE'NOZ OTK' E'HIEIKTO'N.

L'ARC

# L'ARC DE PORTE-FROC.

V frontispice qui se terminoit par vne haute Pyramide estoient les armes du Roy & de la Royne, & au dessouz ceste inscription.

INCLITAE VIRGINIE' MAGNIS ETRVRIAE DVCIB. ET ROMANIIMP. PRINCIP. GENITÆ REGES ET CAE-SARES GENITVRAE, P. L. E. P.

Es deux extremitez de la corniche deux deuises, la premiere d'vne Aigle regardant fixement le Soleil. La Royne estant sortie de l'Aigle de l'Empire comme petite fille de l'Empereur Ferdinand, a esté seule digne de ce Soleil Royal.

## SOLA SVI FERT LYMINA SOLIS.

La seconde d'vn feu allumé par les rayons du Soleil à trauers vn cristal, auec ce mot.

PVRO MEVS IGNIS ABIGNE.

Il y atrois sortes de seu, celuy dont nous

vsons, celuy qui est aux entrailles de la terre, celuy qui viet du ciel sans embrasemet. Le premier appartient à Vesta, le second à Vulcan, le troissesme à Pallas. Les ames vrayement royales ne s'eschaussent que de ce troissesme qui est vne lumiere toute claire & pure, telle que celle qui vient des rayons du Soleil par le moyen d'vn miroir concaue, ou d'vne siole remplie d'eau.

Sous la corniche deux statuës seintes de bronze, l'vne la Fecondité auec trois enfans autour d'elle, comme elle se void en quelques medailles, & vn Lieure qui a tousiours esté Hieroglysique de cela. Pource Herodote au troissesme liure de sa Thalie dit qu'il est seul entre tous les animaux lequel estant plein se sur-emplist encores. Aristote au sixiesme de l'histoire des animaux chap. 33. croit contre la commune experience, qu'il a nouueaux petits tous les mois.

L'autre la Felicité portant vne estoille au front, tenant d'vne main des coronnes & vne toison qui a toussours esté prise pour de la Royne.

71

pour vne grande & heureuse fortune. Ciceron au 4. de la nature des Dieux rapporte ces vers de la tragedie d'Atrée.

Addo huc quod mihi portento cælestûm pater, Prodigium missit regnisstabilimentum mei: Agnum inter pecudes aurea clarum coma.

Platon en son Politique parle du prodige de l'agneau d'or, melò the xpuone après après on pution, qui sit naistre ceste sameuse dispute entre Atree & Theyste: & Pausanias en ses Corinthiaques du tombeau de Thyeste, sur lequel estoit graué vn mouton d'or.

Entre les deux colonnes de l'arcade deux statuës d'estuc si blanc & si bien taillées, qu'on les eut pris pour marbre. L'vne portoit le nom de la Pieté ayant les yeux esseuz au Ciel, l'hydre des vices estoussé souz ces pieds, sa robe semée de stames à la façon que les anciens ont peint leur Vesta, & la teste coronnée d'estoilles.

L'autre representoit la Concorde, soustenue d'yne anchre, marque de fermeté,

T 3

tenant en sa main vne branche de grenade, qui se peut prendre ou pour la concorde, à cause de ses grains si bien vnis & arrengez, ou pour la fecondité à raison dequoy le Grenadier estoit planté à l'hôneur de Iuno. Les rameaux de c'est arbre chassent les bestes venimeuses, & pour ceste cause les anciens en mettoient dessus & dessous leurs lists.

Elle auoit souz les pieds vne Corneille, qui denote la concorde & la fidelité du mariage, pource que c'est oyseau comme la tourterelle ne se r'accouple iamais apres la mort de son masse.

En la voute deux palmes dont le pied remplissoit le bas de l'arcade & les bran-

ches la voute auec ce mot.

# NATIVO IVNGVNTVR AMORE.

Entre les choses vegetales, il ny en a point qui ait plus de conuenance auec la nature humaine que les Palmiers, (i'en excepte les Zoophites.) La femelle ne porte point de fruict essoignée du masse. Elle baisse

de la Royne. 72 baisse ses branches & se flestrit, en se tournant la part où aura porté son masse. Les habitans du pais craignans cela, prennent de la terre & de la racine du masse qu'ils mettent au pied de la femelle, laquelle par ce moyen se redresse & prend vigueur. Iouian Pontan parle de deux Palmiers lesquels demeurerent long temps steriles, iusques à ce que celuy qui estoit en vn lieu fust transplanté à la veuë de l'autre, & bien qu'il y eust entre deux vn grand espace, si est-ce que des lors qu'ils se furent veuz ils commencerent à fructifier. Voicy les vers.

Brundusii latis longe viret ardua terris Arbor Idumais V que petita locis.

Altera Hidruntinis in saltibus amula palma, Illa virum referens, hac muliebre decus.

Non vno creuere solo, distantibus agris, Nulla loci facies nec socialis amor.

Permansit sine prole diu, sine fructibus arbor Vtráque frondosis & sine fruge comis.

At postquam patulos fuderunt brachia ramos Cepere, & solo liberiore frui,

From

#### L'entrée

Frondosíque apices se conspexere, viríque
Illa sui vultus, coniugis, ille sua.
Hausere & blandum venis sitientibus ignem,
Optatos fatus sponte tulere sua.
Ornarunt ramos gemmis, mirabile dictu,
Impleuere suos melle liquente fauos.

Quand le docte du Bartas en sa description du Paradis terrestre, represente les ponts des ruisseaux, l'arene desquels estoit d'or, l'onde de pur argent, les cailloux des rubis, il en parle en ceste sorte:

Ses ponts bastis sans art, sont des rocs mouchetez Que le flot mine-riue à de son choc voutez, Ou des Palmes encor: car les chaudes femelles Pour assouir l'amour qui boult dans leurs mouelles, Et joindre leurs maris sur l'autre bord croissans Courbent leur tige espais, & font planche aux passans.

Aureuers de l'arc en vn grand ouale on lisoit ce vers:

VIVE DIV PRINCEPS TE SOSPITE GALLIA SOSPÉS.

Aux deux costez deux figures en bronze, representant la Prudence auec son caducée, tenant des mitres, des tiares, des chappeaux,

péaux, & l'autre la Vaillance auec des trophées d'armes, des coronnes & des Sceptres, & le tout se rapportoit à vne deuise plus bas, d'vne coronne entre les estoiles auec ces paroles chrestiennes, quoy qu'elles soient tirées d'vn Payen.

Ε'Κ ΔΕ' ΔΙΟ'Σ ΤΙΜΗ' ΚΑΙ' ΚΤΏΟΣ Ο ΠΗΔΕΓ.

Pour monstrer que ceste grande & puissante maison de Medicis ne doit pas sa grandeur à la Fortune, mais à l'eternelle prouidence de Dieu, qui a voulu recompenser la pieté, la constance, la religion, la prudence, & la iustice de ses enfans d'une si belle coronne. Les grandeurs, les honneurs, les sceptres, & dignitez ne viennent que de ceste souveraine main, qui monstre la grandeur de ses merueilles en l'exaltation des petits, & au rauallement des grands.

Sur l'arcade estoient posées les armes de reuerendissime & illustrissime Albert de Bellieure, Archeuesque & Comte de

## L'entrée

Lyon, Primat des Gaules, & Conseiller du Roy en ses conseils, & celles de la grande

Eglise de Lyon.

Icy la Royne changea de poyle, Monfieur l'Archeuesque reuestu des habits Pőtisticaux, & assisté de Messieurs les Doyens, Comtes, & Chanoines de l'Eglise Cathedrale receut sa Majesté, & luy dict en ceste sorte:

ADAME,

Royaume en sa garde & speciale protection, luy donnant successivement de vertueux & prudens Roys qui l'ont gouverné souz sa conduite & inspiration: Ce qui se recognoist en ce qu'il a renuersé les desseins, & quelques sois la fortune de tous ceux qui ont essayé de l'esbranler. Ainsi pour la defence des Israèlites armant le Ciel d'esclats & de tonerres, il dessit l'armee de ses ennemis: Ainsi a-il faict plouvoir ses graces sur nostre Roy, lequel ayant faict florir de toutes sortes de prosperitez, l'a voulu aussi douër pour l'accomplissemet de ses benedictions d'une

d'une si vertueuse Royne pour son espouse, qui estant sortie de la tres-illustre & genereuse race de Medicis, nous represente non seulement la memoire, mais aussi les vertus de son ayeul ce grand & vertueux Prince le grand Duc Cofme. La prudence, la vertu, la magnanimité sont si naturelles à vostre maison, qu'elles s'y sont renduës qualitez inseparables. Ce que outre l'obligation que nous anos de rendre treshumble service à vostre Majesté, nous remplit d'admiration & allegresse, addressant noz vœux & prieres à Dieu pour sa prosperité & santé. Le temps des Alcions approche, que la Mer se rend calme & paisible pour quelque petit nombre de iours, Et maintenant nous esperons l'asseurance de cest estat pour une longue suitte d'années.

Monsieur le Chancelier qui auoit pris la peine d'estre l'interprete des autres sur le Theatre de la Motte, ne se trouua pas icy pres de la Royne pour luy faire entendre ce que Monsieur son fils luy auoit dict, & neantmoins sa Majesté monstra en sa responce qu'elle estoit desja informée de la doctrine de la pieté & des merites de ce Prelat, n'ignoroit le rang & la reputation que ceste Eglise tenoit au Clergé de Frace.

La comparaison des Alcions qui finit ceste harangue fut iugée ingenieusement belle & fort à propos, pour la commune esperance du bien & de la tranquillité que ce mariage donne à la France, & encores par le temps de l'entrée & du mariage de la Royne: car les Alcions esclouënt leurs petits septiours deuant & sept iours apres la Brume, qui est le plus court iour de l'année au Solstice d'hyuer, & se rencontre enuiron l'onziesme de Decembre. Ces iours là sont appellez Alcionides, durat lesquels la mer qui selon la rigueur de l'hyuer deuroit estre fort fascheuse & orageuse, se rend si calme & bonace qu'il n'y a plus seure ny pareille nauigation en toute l'année.

La Royne fust conduite en la grand Eglise où se chanta le Te Deum laudamus, & de là en l'Archeuesché, le portal de laquelle quelle ne fust enrichy ny orné comme on

l'auoit proposé.

Le lendemain que la Royne fust arriuée, monsieur le Preuost des Marchands auec messieurs les Escheuins & Officiers du Consulat luy offrit le present de la ville, & luy dit,

Adame , si les forces estoient esgales à nostre desir , & que nous eussions autant de moyens que nous auons de volonté de vous seruir, au lieu des vazes d'or & d'argent que nous venons offrir à vostre Majesté, ce seroient autant de Prouinces, de Sceptres & de Coronnes, vous tenat pour la plus grand Princesse qui soit autourd'huy sur la Terre, & la plus digne de commander : mais vous aurez pour agreable ce que nous vous presentons, ayant plus d'esgard à nos volontez qu'à la valleur du present, considerant que nous ne vous pouuons rien donner qui ne soit desia vostre:car nos biens, nos personnes & nos vies Cont à vous, lesquelles nous employerons tousours außi librement pour le service de vostre

## L'entrée

Majesté, comme nous esperons que fauorablement elle s'employera enuers le Roy pour nostre soulagement.

La Royne attendit le Roy huit iours, il arriuat le soir du Samedy neufiesme Decembre, & le Samedy ensuyuant Monsieur l'Illustrissime Cardinal Aldobrandin Legat collateral de nostre sainct Pere entrat à Lyon, où il fust receu auec les honneurs conuenables à vne si grande & eminente dignité. Monsieur le Preuost des Marchads le receut à la porte de la ville, où il luy presenta le poyle, & luy dit que si la France auoit esté iamais fauorisée du Sainct siege Apostolique, il faloit confesser que c'estoit specialement despuis le Pontificat de Clement VIII. lequel apres auoir moyenné ceste grande & miraculeuse Paix entre nostre Roy & celuy d'Espaigne, marié S. M. auec la plus belle, vertueuse & genereuse Princesse de tout l'Vniuers, il auoit encores tant de soing de c'est estat & coronne, voyant le feu allumé en Sauoye, qu'il enuoycii de la Royne.

76

uoyoit la personne qu'il cherissoit le plus en ce monde, & qui luy estoit le plus necessaire pour l'esteindre.

Cela merite vn autre discours comme la ceremonie & celebration du mariage qui se sit le dixseptiesme du mesme mois en la grande Eglise de Lyon. C'est assez dit sur le sujet de l'entrée.

## FIN.

## MIN







